


LUSIKA LWA

KELEKE YA LAODESIA

 Cwale, na si ka feza sani. Ne ni ize, “Ne ni liyehile kwa sinawenga sa ka . . . Ne ni pepilwe ka kuliyeha nyana, na liyeha nyana kwa sinawenga sa ka, kambe Ne ni ka liyeha fela ni kwa kutimela kwa ka!” Yeo ki yona inosi fela ye Ni bata ku yo liyehela, ni yo liyeha zangana luli.

² Batili, neli lipizo fa mawaile kwa ndu, Ne ni palelwa kufunduka, mane. Mi cwale kasamulaho musala ka ni babañwi ha se ba ile ka kuitahanela, Na ba fela ni lika zeñata. Mi cwale sicaba kwa libaka ze shutana, kulapela, mi kona ni kena fela; mi sinulo ya Mulena ya tahela muzwale; kezeli ya yemi kwa mulaho kwani, wa kula; mwa ziba ze Ni talusa, kikuli zamaya, zamaya, zamaya, zamaya. Mi mane ha Ni si ka itumelisa neba mwa mazoho ni babañwi ba balikani ba ka babazwa kwa Georgia ni libaka ze shutana zeliteni, za kwa Canada. Ni ikutwa fela bumaswe ka ku sa mi swala mwa mazoho.

³ Mi, ni bulele cwana, ukai Fred busihu boo, Fred Sothmann? Fred, wa hupula nako yani ha u ni biza uli kwa Canada, ha ne utaha, mi Na ku bulelela kuli usike wa taha ka mota? Kono wa taha ni hakulicwalo; no bile ni kozi, cwalo . . . a sinyu mota ya hae, mane bukaufi ni kubulaya musala hae, ni lubasi, ngo ya hae ya lobeha, mi kaufela bona ba yo lobala mwa sipatela.

⁴ Nako nyana yefitile ha ne Ni funduka, musihali, Muzwale Ben fa na yemi kwani, ataha ku na. Mi ni Rosella ataha ni yena kwani, mi ali, “Ni ya kwa ndu.”

Se nili, “Rosella!”

Ki hali, “Ki butata mañi, Muzwale Branham?”

Se nili, “Ni ikutwa musili ka seo.” Mwabona?

Ali, “Kuna ni se si ka ezahala nji?”

Se nili, “Ha ni zibi. Ku bonahala ku na, Kuna ni se si ni lemusize.”

⁵ Kacwalo a ni lizeza luwaile mizuzu nyana yefitile, na bile ni kozi. Mi kacwalo, hakuna yana holofezi, kono neli lizoho la Mulena. Mi na sweli ku telela (Kutezi fela mbundu ni litwa kwa Mutulo.) mi a yo telela kwa Indianapolis, mi akala kutelela mwa mukwakwa kapili luli neku *le*. Mi ki ha huwa, “O Mulena, ni tuse!” Mota ya kuta mwa mulaho neku *le* hape, ya kutela mwa mukwakwa wa yona ka swanelo, ni kukala kuzamayaya hande. A ya cwalo mwa mukwakwa, ki hali, “Mawi, mawi, Ni itumezi luli ka kupunyuha ku zani, kakuli limota zeñwi lisweli kutaha

mwa nzila yeswana yani, ka lubilo lwa kufufa.” Kacwalo a ya kwabuse bwa mukwakwa, mi a yo yema fani kuli . . . Na lumela, sesiñwi, a yo yema kuli anwe kwateni komoki ya kofi kamba nto yeñwi cwalo. Mi a si ka zwa kale mwa mota, mota yeñwi ya to nata kwa mulaho wa hae, yeñwi hape mwa mulaho wa yene tile ku yona, yeñwi hape mwa mulaho wa yeo hape, mi kaufela zona za yemela fani. Kono u bulezi kuli na njanjize nyana, kono isi bumaswe, kono na bata ku itumela ku Mulena, mi a biza keleke ni kubulela kuli i lumbe Mulena kuli ha si ka holofala kamba sika kaufela, mi ukupa keleke kuli izwelepili ku lapela kuli afite kwa hae. Mwabona, yena u sa li ndilaiba yomunca, kona a sa zo nga situpa sa mota cwanoñu. Kacwalo, Ni itumela hahulu.

⁶ Kono kamita ki kwa butokwa ku utwelanga litemuso za Mulena zani. Ali, “Kihande,” ki hali, “Hanina kuya kwa musebezi zazi lililiñwi.” Musebezi wa zazi lililiñwi ki nto mañi? Neli masheleñi amañata hahulu kuli alukisise mandamino a mota ya hae, mwabona. Kona kuli ki kwa butokwa ku—ku mi eza kuli . . . muine ni Mulena. Kana ku cwalo? Haiba a lu bulelela sika, ki hande luine ni Sona. Kakuli Yena kamita u lukile. Nji Cwani? Kamita u lukile!

⁷ Cwale, oh, ye luli i . . . bile sunda yende hakalo. Ha ni zibi fela mwa ku bulelela ku Mulimu ni ku mina sicaba ka biki yende ye. Aa kwateni abile mazazi a tabisa hahulu a eiti e Ni kile na kutaza fateni mwa bupilo bwaka. Yeo ki niti. Ni bile—Ni bile ni ituta hahulu zeñata za Mulena ni sishemo sa Hae se si bunolo, ni Za lu ezelize kaufela, ni ku bona Moya wa Hae u nzo beleka mwa keleke. Mi Ni itumezi hahulu ka kubona limpo ha likala kubeleka mwa keleke hape. Mwabona?

⁸ Cwale, hamuli kwani, hamuli kwahule, ku bonahala fela kuli kuna ni ya ka kena, yaka—yaka li sinya fela, mwa ziba, ya ka kala fela kueza sika kaufela. Mi cwale ha u shwaula limpo zeo, Mulimu uka ku shwaula ni wena. Mwabona? Yeo ki niti. Mu na ni ku li beya hande. Mi, mo lu li batela kiha liinzi hande ka swanelo, ka mo ba bulelela ka malimi. Isiñi fela kubulela fela Liñoño, kono ki kubulela lika ze ka ezahala. Mi haiba u kaba fela ka likute hande ku zeo, lika kalisa . . . Haiba yomuñwi u zwa mwa sikuka sa mulao wa keleke, Moya o Kenile u ka bulela hande ni ku ba bulelela yo ali yena. Mi kwani, baka—baka ikutwa ku shapiwa ni kuya kwa katala. Kona ze li bezi teñi limpo zeo.

⁹ Ni ka kubona mulisana wa luna mo, Muzwale Neville, una ni maswabi swabi, ki mushimani ya buliti cwalo. Mi Na mi bulelela, nali mu . . . na bonahala inge kuli haana ku li yemela ha li taha kwa Pentekota. Kono ku mubona ha yema ni kutoloka malimi ni sipolofita, Na mi bulelela, u tile musipili o mutelele. Kiniti. Ha lu lapeleleni mulisana wa luna.

¹⁰ Mi, mwabona, limpo likala kutaha mwa keleke. Mi yomuñwi ya likani, muzwale ya ishuwile fa, uteni mo, u . . . swanela kuba

mo kokuñwi. Ni sepa u mwateni, yena kamita wabanga teñi. Ki ya ishuwile hahulu mucaha yomunyinyani, na banga alimuñwi wa basepahali mwa keleke moo, Muzwale Higginbotham, muuna yomunde, wa bumulimu. Mi ka kubona kuli u amuhezi mpo ya kubulela ka malimi, ki mañi yakile anahana kuli Muzwale Higginbotham u ka eza ze cwalo? Ya maswabi swabi, mucaha ya ishuwile, ya na sa tabeli ku zibahala, kai kamba kai, na inelanga fela kwa mulaho. Kono, mwabona, Mulimu wakona kunga muuna ya cwalo ni kuitusisa yena, mwabona, kakuli habati ku li eza, ka kukala. Kambe na tabela ku li eza, na kaba ya tundula hembe ya hae. Kono haibile fela utaha ka nzila ya kuli ha lati kueza sesiñwi, mwendi Mulimu uka itusisa yena ona cwalo.

11 Junie uteni mo, yena...oh, u inzi kwa mulaho wa musumo kuna.

12 Ni ka bulela cwana, Ni utwile batu babañata ha ba bulela ka malimi. Mi Ni sepa kuli zeo kaufela lizwa ku Mulimu, kakuli haukoni kueza mulumo o sa talusi sika ku mutu, kokuñwi. Mwa ziba, Bibeke i bulezi kuli, “Hakuna mulumo o si na so talusa,” kutalusa kuli hakuna mulumo osina sika. Ha ukoni kubulela sika kwanda kuli si be ni taluso yeñwi. Ne ni komokanga kamita kuli mane konji ha Ni yo ya kwa Africa ni ku yo utwa lilata lani kaufela, mi na fumana kuli neli linzwi la mutu. Fokuñwi ki linzwi la lingeloi, ni zeñwi cwalo.

13 Kono Junie Jackson, mukutazi yana ni maswabi, ya sialezi, wa matakanyani, yazwa kwa hae mwa keleke ya Methodist, kwahule koo—koo bukaufi ni Elizabeth, Indiana, kwahule mwa mishitu koo. Ukuzize, yana sa buleli buleli, mufuta wa kusialela cwalo, na bonahala inge kuli... Ne ni bonanga linako zeñwi, Ni bata ku munga, ku mu nyunga, ali, “Bulela sesiñwi, Junie, mwabona, utuhele kuina foo inge ni talimela fela cwalo.”

14 Ne luina fa sishingwa mwa mushitu, mi na ina fani ni kubulela kuli, “Kihande, . . . Na sepa . . . li lukile kaufela.”

15 Ni ka bulela kuli, “Oh, Junie, Ni—Ni ikutwa inge ‘ni bulele cwana ku wena,’ mwa bona. Una—una ni bunya hahulu ku na, mwabona.” Mi Mulimu amufa a—a—mopo ya kubulela ka malimi; Nali kuba ni utwe fateni mushobo o namile hande cwalo mwa bupilo bwaka. Mwabona?

16 Mu Mu tokomele mwa keleke. Mubone musali wa mwanana yani ha bulela a sa zibi musali usili yani? Mi yo asa zibi mulikana hae, ni yoo fa, muhuwo wa linzwi mo ne li bulelezwi; mi ha li tolokiwa, mwa muhuwo o swana, mibulelelo, lifwelwani; neli zeswana fela, ha li kuta. Mi liñusa neli petehile, kwa keleke. Mwabona mo siinezi seo? Cwale, lu lukela ku itumela ku Mulimu. Cwale, usike wa tundula sifuba sa hao. Haiba ueza cwalo, uka kusufala, mi diabolosi ua ka ku pamula. Ube fela ya ikokobelize; uli, “O Mulena, ni buluke uni patile, usike wa ni tuhelela ku nanuha nako isika kwana kale.”

17 Haana ku ku lumeleza kuzwa mwa nzila. Haiba u zwa, linako zeñwi, zeo halina—zeo halina kubilaeza. Haiba ueza cwalo, kiñi, mulisana mo uka—uka ku bulelela. Mwabona, li—li limpo ha li lukeli kuba ha mu. . . ha lu kutaza. Hañata, haiba limpo likala kubeleka hande mwa keleke, lu ka kupa kuli mukopanange ka kuitahanela sebelezo i si ka kala kale; mulumeleze Mulena kuli abeleke ku mina mwani, mwa bona, kakuli fa siemba se halina kulyanganisa lika. Cwale, ha lu sa li mwa puteho, fokuñwi mu na ni kukuza fa nako nyana. Kono haiba Mulimu una ni liñusa, fokuñwi kamba ka mukwa usili Uka li zibahalisa, mwabona, mu Mu fe fela sibaka, kono mu lieze kuya ka tuto ya Bibebe. Mi Muzwale Neville mwendi uka luta litaba zeo, ili ze lu ka liza kueza ona cwalo luli. Ni ka lika ku mutusa haibile fela lukona, sibeli sa luna hamoho, ku li tisa hande ni ku mi bonisa mo lina ni ku itusisezwa.

18 Wa i kutwa hande, muzwale wa mu Polish? Zeo ki zende. Oh, mo Mulena u mu fuyolezi! Myaha ye eiti kwa mulaho, amu bulelela sesiñwi sene si kanga sibaka. Na lyangani fela, muituti ya talima hande fa bulaalu bwa bumulumu. Mi Mulena ali, ka zazi leliñwi, “Kuna ni muuna ya taha, una ni milili yeminsu ni meto a mafubelu, ki yo mukima. Usike wa mu lelekisa, Ni mu luma ku wena.” Na nga Liñolo fa na lyanganehile, na ipeela kaemba ka kapepa ni ku ka beya fani. Kasamulaho nyana ki yo abonahala.

Musala ka ali, “Kuna ni muuna ya bata ku ku bona.”

Se nili, “Yoo ki yena, aku mu kenise mwahali.”

19 Mi ki—ki ha ni bulelela sene si bulezwi ku yena mwa. . . mwatasa tozo ya Moya o Kenile. Ka mwa na lumelela kamita ni ku swalelela kwa Liñusa, ni zeñwi cwalo, mwahala sicaba sa hae; ibo na lwaniswa, aina hande ni Lona. Ali, nako yeñwi kwa mulaho, mwa mukopano, kuli Ne ni ambozi ku yena ni ku punda libizo la hae. Mi ni mo ne Ni bulelezi libizo la hae, Hani zibi. Na bulezi kuli Ne ni nana ni ku—ku li peletela, kamba sesiñwi se si cwalo, mwa mukopano. Abulela kuli na lwezi mbututu mwa mazoho a hae ya na kula fa sifateho sa hae, mi ali mbututu yani na kenisizwe hande kutalelela, ka swanelo. Ni ka mo Mulena. . .

20 Mi se Nili, “Kihande, nto yo tokwa cwale ki kuya kwa keleke ni ku kolobezwa ka Libizo la Jesu Krete.”

21 Ne ni mu katani fa nako nyana fa ngi ya lilundu, kakuli na shetumukile, a kolobezwa ka Libizo la Jesu Krete. Cwale yena u ikutwa hande luli, kuikutwa hande, ukutela kwa hae. Ni sepa kuli u ka ni tolokela mwa Poland leliñwi la mazazi aa, ni Germany, ni mwahali, kukuta mwa libaka zani kafaale. Mulena aku fuyaule, muzwale wa ka.

22 Ki lika zeñata hahulu zefumile za ezanga Mulena luna! Ka kubona fela sishemo sa Hae—Hae, mo si zwelela kwa upa, wiko, mutulo, ni mboela, U sweli kuzamaisa bana ba Hae babande;

bataha hamoho, ba hohiwa fande, ba nyungiwa. Ki zeñata hahulu zekona ku bulelwa!

²³ Cwale, musike mwa libala, la Sunda yetaha busihu, Mulena luna haiba wa lata, la Sunda yetaha busihu, lu kaba ni . . . la Sunda yetaha kakusasana, nitaluse, ni sebelezo ya foliso. Libaka ha Ni bulela seo foo, mwendi haiba kuna ni zeñata hahulu za la Sunda kakusasana Ni kaba ni la Sunda busihu kuli nibe ni bona, mwa bona. Kono haiba Ni kona kuba ni zona la Sunda kakusasana, kihande, ku lukile.

²⁴ Labulalu busihu ki mukopano wa litapelo za mwahala biki. Cwale, ku mina sicaba babali mo mwa malapa, mina balikani ba ba kopanela kwanu, mube ni mukopano wa litapelo. Musike mwa mbwinja zeo, mupile hande ni zona, mwabona. Mi mulapele, mubate kuba bukaufi ni Mulimu. Musike mwa tuhelela bufitelezi bwa tumelo kukena ku mina. Mubuluke . . . Kuna ni zeñata hahulu za niti kuli mu amuhele buhata, mwabona, musike—musike mwa ba kwa neku le li maswe. Mupile hande.

²⁵ Ni utwile “Amen” ye zibahala ye Ni bile ni utwa hala lilimo, Muzwale Russell Creech. Ba ni bulelela kuli Patty ki yena yana bulela ka malimi kwa mulaho kwani busihu bobuñwi. Patty, u inezi kai? Wena fa, mulatiwa? Eehe, mawi, mane ha Ni koni ku mu ziba konji ha ni mu bona. Kono Ni lumela kuli Ni kile na swala mwana yani mwa mazoho aka ni ku mu neela ku Mulena, ona kwanu. “Mi cwale sa li kalibe musali ya hulile,” Meda naize, “musizana, yomunde, wa sanana,” yana ni mata a Moya o Kenile ku yena, ubulela mwa . . . Russell, u muuna ya fumile. Eeni, u fumile.

²⁶ Ukai Kezeli Creech fa inezi? Ha ni si ka mu bona. Kana u teni mo? Kwa mulaho kwaale. Oh, Kezeli Creech, mo Ni itumela kuli Mulimu u mi file mwana ya cwalo, kiñi, ha mu zibi mo—mo ni itumelela. Fa silimo sa bunca bwa basizana seo basweli kuseha fela ni kuitamaela fela, mwa ziba, ka buñata bwa bukuba bwa mitangana yee, mukutelo wa milili ya bona inge pato ni lika kaufela, ni zeñwi ze cwalo; mi mwanana fela yo fa ni mata a Moya o Kenile, ubulela ka malimi mwahali mo. Oh, mawi!

²⁷ Hmm! Ki baana ba bakai busihu boo, bakutazi ba Pentekota, baba ka fa bupilo bwa bona ka kutala kambe ne ba ka bona mwana bona wa musizana yali mwa bunca bwa hae, yali kwande kwa mikiti ya rock-ni-roll, aeza cwalo.

²⁸ Fela—fela mukuteke zeo, muzwale. Na ziba ze mueza kwani kwa Interstate, Ni ezize zeswana, ne ni beleka mazazi amañata katata, kono, muzwale . . . ku hulisa bana bani. Kono muhupule, Mulimu wa sephala, Wa fanga mipuzo. Eeni, kiniti! “Ni ka yolisa.”

²⁹ Mulimu aku fuyaule, Patty. Mulatiwa, Hani—Hani koni ku ku ziba ha ne Ni ka ku bona, Na sepa, kono usike wa be usiya

nzila ye namile yeo, mulatiwa. Usike wa lumeleza diabulosi kubeya sika—kaufela ku wena, inge apule yende ya gauda, kakuli ikona kuba lemuhe, mwabona. Wisa zeo ni ku li siya ona cwalo. Talimisa meto a hao hande ku Kreste, ona fa Sifapahano. Mi uzwelepili ku zamaya kwapili, kakuli hola i fa kaufi. Mwabona?

³⁰ Ki lika zeñata hahulu za ku susueza ze Ni kona fela kubulela, limbuyoti za Mulimu. Ne ni si ka kona kupotela ba bañata, mi ni biki ye kaufela ha Ni si ka lapelela batu kufitelela mashumi aketalizoho, Na sepa, mi ni ze ni zale, ni litaba za putako ni zetile mwateni, ni zeñwi cwalo, kono Ni bile ya patehile ka kubala. Kono cwale, Sunda yetaha, lu ka lapelela sicaba, ni ku kupa Mulena kuli atuluke ni kulufa mata amatuna, ni kuiponahaza ili Yena ku luna la Sunda yetaha ye kakusasana, haiba Mulena alata.

³¹ Oh, Ni toile fela kukalisa lusika lwa keleke loo kakuli Ni ziba kuli kona lwa mafelelezo ku zona kaufela. Mi cwale, mwahali mo, ku kaba ni—ni kufelelela kwa Masika a Likeleke Zesupa. Kana mu ikozi ona? [Kopano ya alaba, “Amen!”—Mu.] Cwale, muhupule, Ni bulela se kwa mafelelezo sina ha ne Ni bulezi kwa makalelo, kwa kona kuba lika zeñata—kwa kona kuba lika zeñata ze musike mwa lumelelana ni na, kono musike mwa ni toela zona, mwabona. Mu ni late fela, ni hakulicwalo, kakuli ha ku koni kuba shutano ni yekana ka so kona kueza kamba kubulela, Ni ka nahana fela zeswana kamina; haiba kuna sesiñwi, hape, mwabona, haiba kuna ni sesiñwi, Ni ka nahana zeñata ka mina. Kono Na mi lata, Mulimu u ziba cwalo, hakuna mutu yakona kubiza Libizo la Jesu Kreste kono ki ye Ni ka lata. Mwabona?

³² Mi ha Ni lati buhali kamba kusa tokomela kaufela, ni ha ne lu ka tokwa kulumelelana. Haiba ne lu ka ina fa tafule mi yo uca nama yeñwi, mi yomuñwi, uca isili, zeo likona fela kuba inge ona moo, mwabona. Ha li taha kwa ku kopana ni babañwi, lu latane. Mi haiba ha luezi cwalo, kona kuli luna ni kueza cwalo. Mi haiba . . . haluna kuya kwapili ku Mulimu kufitela lueza lueza cwalo.

³³ Fela musike mwa libala, musike kulibala kuli mpo yetuna kufitisisa hala limpo kaufela ki lilato. “Ni ha ni ka bulela ka lulimi lwa batu ni mangeloi, ni fe mubili waka kuli u ciswe kuba sitabelo, ni utwisise zibo kaufela, ni zeñwi cwalo, Ha ni sesiñwi. Kacwalo . . . Kono cwale se si petehile, leo ki lilato . . .” Haiba nji limpo za moya kaufela ha li zamaeleli hamoho ni lilato, halina ku ina. Mayemo asili kaufela aka lubakeha, “Kono lilato lizwelapili kuyakuile.” Mwabona, yeo ki Makorinte Bapili 13.

³⁴ Cwale, busihu boo, lukena lusika lolutuna lwa keleke loo. Oh, mawi! Cwale, mwendi lukasana lwafeza ka (busihu) kasamulaho wa naini fifitini. Mi cwale Ni swabile kuli haluna sibaka sesituna, kono . . . wa kuina mañi ni mañi, kuinisa mañi ni mañi,

nitaluse, kono fela haluna sona, mi mwendi zazi leliñwi lukaba ni sona.

³⁵ Kono cwale Ni bata ku mi kupa kuli mu ni eze ka sishemo. Mwabona mayemo aka ni seo aka ni tiseleza zazi leliñwi, mwa bona, mi hola isutelezi fakaufi. Mwabona? Cwale, Ni bata kuli mueze cwana, kamita mu ni lapelelange kwatani. Mi muhupule, Ni bile ya sepahala ka mo Ni zibela kuba ya sepahala, mwabona. Mi Ni lemuha kuli Ha ni sa li mwanana ni hanyinyani, Nina ni lilimo ze mashumi aketalizoho ka silisiñwi a kupepwa. Mi Na—Na ha ni. . . Ha ni koni kuya konji Mulimu ha ka ni biza. Mi Ni kaya ka nzila Ya bata kuli Ni ye ka yona, mi ku kaba ona cwalo. Mwabona? Kono Ni lukela kuba ya sepahala ni kubulela Niti, kupale kumane. Kona kuli Ni ziba kuli ki muzamao ona ni bulutu linako zeñwi, kono haibile fela Una ni wena, ki shutano mañi yeliteni? Mwabona?

³⁶ Cwale, lu si ka kena kale mwa keleke tuna ye, Ha ni zibi haiba lwakona kuyema cwale kwa tapelo, fa nako nyana fela hape. Mufuta o cwalo u mi lumeleza ku i kotalola ni kuikutwa hande. Mwa sebelezo ya ku kwala, kana kuna. . . Ki ba bakai mo ba ba tabela kuhupulwa fapila Mulimu? Munanule fela mazoho a mina ku Mulimu, “Ni hupule, O Mulena, kwa mafelelezo a lusika. Bupilo ha se bu fela, ni hupule.”

³⁷ Ndata luna yakwa Lihalimu, haluna malimi ku luna akona kubulela buitumelo bwa luna kakuli Kubatani kwa Mulimu yapila yabile mwahala luna biki yefelile yee, kwa lika ze luitutile ku Wena, mo u Ipatululezi ili Wena ku luna mwahala nako ye, ni mo U patululezi Linzwi la Hao hande ku luna. Mo lu libelezi ku Wena, ni mo lu—lu liketi kuboniseza lilato la luna, mi lu palezwi kueza cwalo, Mulena, kakuli malimi a batu hakoni kueza cwalo. Kwa s- . . . kakuli neba ku lupilisa, mi Wena. . . ka kulufa tala ya Hao. Kakuli ku ñozwi mwa Linzwi, “Ba fuyozwi babana ni tala,” (kuba fela ni tala, ki mbuyoti) “tala ni linyolwa la kuluka.” Mi ki Wena yana bulezi manzwi tuna ao, “Kakuli ba ka kuliswa!” Cwale, lu lumela cwalo, Mulena. Lu swalele lifoso za luna.

³⁸ Halunze lukena cwalo busihu boo fa. . . mwa lusika lwa keleke ya mafelelezo ye, ili yona ya Laodesia, ha se luboni Mañolo ni litaba za kale ha li zamaelela hande ka nako kaufela. Kacwalo, Ndate, lu ziba manzwi azwa kwa sipolofita sa Hao sesitua fa, ka za lusika lwa maungulo loo, akaba fela sina masika amañwi a silezi mo ne abezi. Ndate, Ni lapela kuli U lumeleze Moya o Kenile kutaha ku luna busihu boo, cwale, mi lu fuyole halunze lu libelela ku Wena. Ka Libizo la Jesu. Amen. Ha muine.

³⁹ Haiba Mulena alata, buka ika. . . cwanoñu fa haiba lukona. Muzwale Leo usweli ku i pamula kuzwa fa tepu ya magesi, kuli ibe mwa. . . kuli ibe mwa miñolo, kuzwa foo ibe mwa kutaipiwa, mi kona ikaba buka.

⁴⁰ Mi ni bulele cwana, Rosella ukaba ni buka ya hae cwanoñu faa, *Ndalabanguwana Ya Pulusizwe*. Kaufela mina mwa hupula likande la hae, kuli Moya o Kenile no mu bizize mwa mukopano. Mi nali ya . . . na natilwe ki libaka zene za miyaho ya ze kola, ni ku haniwa mwa lipatela ze ne li mwa Chicago. Mi Mulena Jesu, mwa nako iliñwi fela, a li zwisa kaufela zona ku yena. U zwile fela mwa tolongo kuliba kwa libaka zeñwi, inza bulelela batu Mulimu mwa kona ku tamululela, inza ambola kwa macakolwa ni babañwi cwalo. U bile ni . . . ka bupaki bwa hae, u winile mioya yemiñata ku Kreste.

⁴¹ Cwale, keleke ya lusika lwa pili, mwakona ku ni bulelela kuli neli lufi? Efese. Yabubeli? Smurna. Yabulalu? Pergamosi. Yabune? Tiyatira. Yabune? Sardisi. Yabusilezi? Filadelfia. Yabusupa? Laodesia.

⁴² Yapili neli mwahala A.D. 55 ni 170, Efese. Smurna, 170 kuisa 312. Pergamosi, 312 kuisa 606. Tiyatira, 606 kuisa '520. Sardisi, '520 kuisa 1750. Filadelfia, 1750 kuisa sikisi . . . '06; cwale, ne lukalezi mwa lusika lwa Laodesia, kutatamana cwalo, mi maabani busihu ne kuleni mwa kutatamana nyana. Cwale, luteni busihu boo, lunge mafelelezo a Laodesia.

⁴³ Lu lumela kuli keleke ya Laodesia ikalile mwa A.D. 1906. Na akaleza . . . Cwale, muhupule, “kuakaleza,” sihulu mina baba teeleza kwa tepu. Ha ni buleli kuli ku kaba cwalo, kono ni akaleza kuli lu ka fela ka 1977, kuli keleke i ka ya kufelelela mwa kukwenuhela tumelo mi ika kwiwa mwa mulomo wa Mulimu. Mi Kutaha kwa Bubeli, kamba Kuungelwa kwa Kreste, kwa kona kutaha ka nako kaufela. Cwale, Na kona ku mbwinja mwaha wani, Na kona ku mbwinja ka myaha ye mashumi amabeli, Na kona ku mbwinja ka myaha ye mwanda. Ha ni zibi kuli ki kai . . . Kono Ni akaleza fela kuli kuya ka pono ya Na ni bonisize, ni kunga nako, ka mo li zamaela, Ni bulela kuli ikaba fokuñwi mwahala '33 ni '77. Fa—fa mbweshwa, naha tuna ye i ka kalisa ndwa ye ka i lubaka mwa liemba emba, mwabona. Cwale zeo li sutelezi fakaufi luli, ki fakaufi luli. Mi Na kona kufosa, Na akaleza. Mañi ni mañi wa utwisisa? Muli, “Amen” haiba mwa utwisisa. [Kopano ili, “Amen!”—Mu.] Mwabona?

⁴⁴ Kono Mulena na ni bonisize pono ya musali ya mata hahulu, mwa '33, 1933, liteni fa pampili. Kuli mane “Roosevelt u ka eza . . . na tiselize lifasi kukena mwa ndwa.” Kuli mane “Mussolini uka tisa tasezo ya hae yapili mwa Ethiopia mi uka nga, kono uka taha kwa mafelelezo a swabisa.” Mi ni kuli “Ku tahe tutengo to tulalu: Nazism, Fascism, ni Communism, kaufela zona lika felela mwa Communism.” Mi ki ba baki mwahali mo ba bahula na mube fela . . . mu yeme, mi mubulele, ha Ni bulela kuli, “Mutokomele Russia! Mutokomele Russia, mulena wa kwa Mutulo! Mutokomele Russia, mulena wa kwa Mutulo! Mutokomele Russia, mulena wa kwa Mutulo!”? Ki ba bakai baba ni utwile ha ni bulela, mu nyanganyise fela lizoho, mwahalimu?

Batu ba kale, mwa bona, kwa mulaho mwa siemba sa makalelo a keleke. Muyeme fela foo ni kunyanganyisa lizoho mwahalimu, “Mutokomele Russia, mulena wa kwa Mutulo! Mwabona, sa na ka eza, kakuli tutengo twani kaufela tuka felela mwa Russia.”

⁴⁵ Mi Na bulela, kuli “Naha ye i ka kena mwa ndwa ni Germany. Mi Germany ika yaha limota le litiile.” Mi yani ne li Maginot Line, myaha ye ilebene isika kala kuyahiwa mane, myaha ye ilebene sapili. Mi se Nili, “Ma American ba ka natiha hahulu fa limota lani.” Babañwi mizwale ba nebaliteni kwa limota lani, Muzwale Roy Roberson ni babañwi; mu ba buze sene si ezahalile. Luli ne ba ezize cwalo. Ku lukile. “Kono kwa mafelelezo,” Se nili, “lu ka koma mi lu kaba alimuñwi wa bakomi mwa ndwa ya mwahala luna ni Germany.”

⁴⁶ Cwale, se Nili, “Mi kasumulaho wa nako yani, kuli sayansi i ka zwelapili kupahama.” Ne ba eizize cwalo, ba eza ndalamiti ya atomic ni lika kaufela. Se nili, “Ka nako ya zwelopili ya bona, ba ka panga li. . . mota ze ka tundamena kuba mwa sibupeho sa lii.” Mi mwa hupula lififi tuna ka silimo sa 1933, le ne litile sina cwana, liwili le li bulukilwe kwa mulaho wa yona? Mutalime mo se liinezi cwale, mwabona: kekezo ya zwelopili, mwabona, sina lii. Mi se Nili, “Kwa mafelelezo ba ka panga mota ye ba si ke baba ni mukoboco ku yona. Ne ni boni lubasi lo luya lu shetumuka mwa. . . Mukona ku u biza, ‘mukwakwa,’ mwa mota yena ni gilasi fahalimu, mikwakwa yemituna ye bapukile ni mota yende. Mi ne ba inzi cwalo, inge ba talimana, mi mota inge ii tamaela inosi, inge izamaya ilomona mwa makona ni lika kaufela.” Mi bana ni yona mota yeo cwale, i pangilwe kale. Bana ni yona mota yateni. Mi se Ni bulela kuli, “Oh, sayansi mo i ka zwelapili ka lizazi leo!”

⁴⁷ Se nili, “Mi se Ni bona. . . Kuli ba ka lumeleza basali mi ba lumeleza basali kubota. Mi ka kubota, ba ka keta muuna ya maswe leliñwi la mazazi aa.” Mi mu ezize cwalo mwa liketisa ze felile zee. Ne li kuketa kwa musali kone kuketile Kennedy. Lu ziba cwalo, mwabona, mwahala mishini yesiyo hande ni lika ze pangilwe, zene ba bonisize ba FBI. Mi cwale mutu ukona cwani. . . Kiñi ha ba sa esi sesiñwi ka zona? Kiñi sesiñwi ha si sa bulelwi? Hah! Ba saba kuli yomuñwi uka felelwa ki musebezi. Mwa bona, ki sishañata fela sa litaba za naha, libolile kubolela mukwazo. Ku felile. Luli!

⁴⁸ Hakuna sika—sika hakuna. . . hakuna sika, mu ni swalele. Hakuna puluso mwa naha ye, hakuna puluso mwa naha kaufela. Puluso i fumaneha ku Jesu Krete mi ku Yena anosi fela! Uh-huh! Yeo ki niti. Cwale, Ni itumezi kwa America. Ni tabela kupila kwanu kufita sibaka sisili kaufela mwa lifasi, kakuli. . . kwande a Canada. Canada ni United States ki mambile, lwa ziba cwalo, linaha ze bapami, sibaka sesinde, kono Ni—Ni lumela kuli Ni tabela kupila kwanu kufita sibaka kaufela se Ni ziba, kakuli ki lapa la hesu. Ni tabile kuli Ni mu American, mi na itumela

ka yona. Kono Na mi bulelela, itokwa ancafazo ya bubeli, luli itokwa ona zeo. Mi haina kuba ni yona! Batili, sha. Haina ku zuha fateni hape! Batili, sha. I icongile! Mwa hupula, mwendi lilimo ze ketalizoho zefelile mwa Chicago, zeo liteni fa tepu. Mu li utwile, Gene. Ne niize, “Ba ka Li amuhela mwaha wo, kamba bakana ba kuta mwatasi kamita.” Mi ba ezize cwalo, mwabona, mi ba ka eza cwalo kufita bafita kwa maungulo a yona.

⁴⁹ Kono ku kaba ni musali yamata! Cwale, muhupule! Se siteni fa tepu, hape. Musali ya mata, musali yomutuna, hakulata ukaba Mueteleli wa naha, kamba ukaba musali ya yemela keleke ya Katolika (zeo Ni hupula kuli kona mo liinezi) ya ka yola zazi leliñwi mi uka busa naha ye. Naha ye ki naha ya musali. Ndembela ne i pangilwe ka musali, iinzi fa nombolo yabu setini. Ne i tomilwe, ni linaleli ze setini, mibala ye setini, linaha ze setini ze i beile mwahali. Lika kaufela ki setini, setini, setini, kushetumuka cwalo. Linaleli ze setini liteni ni fa dollar yayona ya silivera cwale. Lika kaufela ki setini. Iinzi fa nombolo ya bu setini, mi ibonahala mwa kauhanyo yabu 13 ya Sinulo. Setini ka kutala! Lika kaufela ki “musali, musali, musali, musali, musali,” kutaha ona cwalo. Mi anga liofisi kaufela. U amuhile Hollywood kaufela. U ngile ni kuhapa linaha kaufela. U ngile liofisi kaufela. U ngile lika kaufela ze liteni; liswanelo ze likanelela ni muuna, linepo za liketisa ni muuna, ulwaha sina muuna, unwa zekola sina muuna, sika sesiñwi kaufela. Mi ki siteiso fela sa keleke ya Katolika, kwa kulapela musali! Ba sweli kulapela musali, nihakuli cwalo.

⁵⁰ Musali ki yomunde hahulu . . . Musali wa litanya ki siteo sesituna luli sa nani diabulosi. U maswe hahulu kufita miyaho ya manwelo a bucwala kaufela yeliteni. Ukona ku luma mioya yeñata kwa lihele kufita libaka za manwelo a bucwala kaufela zeliteni mwa naha. Yeo ki niti.

⁵¹ “Musali ya sephala ki kuwani ya bulena ku muuna hae,” kubulela muuna ya butali hahulu mwa lifasi. Muuna u lukela ku kuteka musali yomunde, mwabona. “Kono ya maswe ki mezi mwa mali a muuna,” mi mali a hae ki bupilo bwa hae. Mina baana babana ni bafumahali babande, ha mu zibi mo mu lukela kulumbela Mulimu ka mufumahali yomunde! Kakuli haiba Mulimu na file muuna sika kaufela sesinde kufita mutusi wa hae, Na ka eza cwalo. Kono musali ki mutusi yomunde hahulu yo Mulimu akile afa muuna. Kono ha ba sikuluha . . .

⁵² Musali neli yena mwa simu ya Edeni yo Satani na ketile kuba sibelekiso sa hae. Na si ka nga muuna, nangile musali. Kiñi ha na si ka ya ku Adama kuli amufe maikuto? Na tile ku musali ni ku mufa, mwabona, kakuli yani ki yena ya na ketile. Mulimu na ngile muuna, mi Satani anga musali.

⁵³ Mi amutalime hande cwalo, mi kwa mafelelezo . . . Mi Babilona ne i kalile kwa simuluho, *Mababilona Amabeli* a

Hislop, ki musali! Ha li taha fafasi mwa lusika lwani; cwale li felela cwale mwa lusika lwa Bamacaba. Babilona ne i kalile kueza cwalo, ni kufelela ka musali (Maria) mwa keleke. Ki lizazi le licwani le lupila ku lona!

54 Cwale, ki *Laodesia*, ki—ki lusika lwa Laodesia, linzwi leo litalusa “kufutumala.” U atezwi ka libyana, mi unahana kuli hakuna za tokwa hape. Kono Bibeles ibulela kuli u “botanile, ki sobofu, unyandile, mi umapunu.” Ki buino bobucwani boo!

55 Mupuzo ku bona bakomi mwa lusika lwa keleke ye, ki “kuina fa lubona ni Mulena.”

56 Cwale, naleli, kamba lingeloi, kamba mulumiwa wa lusika lwa kelek lo, ha zibwi.

57 Cwale, mulumiwa wa lusika lwa keleke yapili, neli mañi? Paulusi, Efese. Smurna? Irenaeus. Pergamosi? Muhalalehi Martin. Tiyatira? Columba. Sardis? Luther. Filadelfia? Wesley. Mi mwahala . . . ye Laodesia, ha lu si ka ziba kale, mi mwendi haluna kuziba konji ha se kufelile.

58 Kono Ni tabela fela kufa litaba nyana za lingeloi le mo li kabela, se litalima ku sona. Kana ku kaba hande? [Kopano ili, “Eeni! Amen!”—Mu.] Kakuba kuli luna ni nako nyana fela, Ni ñozi fela zelikani fa zene Ni nahana.

59 Lingeloi la keleke ya Laodesia ye, kuli afeleleze. Cwale, ukaba kwa mafelelezo a lusika, sina babañwi ba bona, inge mwa Bibeles. Ukaba kwa mafelelezo a lusika. Ha ki wapili ku zona, ki kwa mafelelezo a ona, kakuli lingeloi kamita litahela ku to ba omanya . . . ka sene ba ezize. “Kwa—kwa lingeloi la keleke ya Laodesia u ñole litaba zee.”

60 Mwabona, “Kwa lingeloi la keleke ya Smurna ñola litaba zee.” Mwabona, leliñwi ni leliñwi la mangeloi ki kwa mafelelezo a lusika. Paulusi, mafelelezo a lusika. Nikutaha fafasi cwalo, mafelelezo a lusika. Ku tatamana, mafelelezo a lusika. Mafelelezo a lusika, zeo kona zetisa kutatamana. Mwabona, “Kwa lingeloi,” kubulela sene sili sona. Kutatamana kwa kokuli fa, “Kwa lingeloi,” mafelelezo a lusika lwani. Mwabona, kunopa siemba se, sa eza kutatama kwa mihato yepahama kuya fahalimu, Masika a Likeleke Zesupa.

61 Cwale, lingeloi le litaha mwa lizazi le, Ni bata ku . . . Ni na ni sesiñwi se si ñozwi fa, Ni tabela fela kubala fateni. Kono u ka zibahala mwa siemba sa mafelelezo a lusika. Mi kakuli lu fakaufi hahulu ni sona—fakaufi hahulu ni Liseli la lusika lwani, kuli fa cwale u mwa lifasi onafa. Mwabona, ha lu mu zibi. Ukaba ya—ya mata mupolofita wateni yaka haniwa ki keleke ya lifasi, kakuli ba ka zwelapili mwa libi za bona mi kwa mafelelezo ba kwiwe kuzwa mwa mulomo wa Mulimu, kuzwa mwa mulomo wa Mulimu Kubatani kwa hae.

62 Ni lumela kuli uka swana sina Elia. Ni ka fa libaka la ka ka zona. Cwale, ha lu apuleni mwa Buka ya Malaki, fa nako fela, Ni ka mi fa libaka ha Ni nahana kuli ikaba alimuñwi ya tozizwe ka Moya wa Elia. Cwale, Ni bata kuli muapale ku—ku kuwani ya muhau wa mina cwale. Malaki, kauhanyo yabu 4. Cwale, muteleeze hanze Ni bala, ni mina mwa Bibeke ya mina. Cwale, munahane ka tokomelo cwale ka mizuzu yelikani yetatama, cwale, lu si ka ya ale mwa lusika lwa keleke.

Kakuli, amubone, lizazi la taha, le li ka cisa sina ondo; mi baikuhumusi kaufela, ee, . . . ni nyangela kaufela yeeza bumaswe, ba kaba sina matakala: mi lizazi le litaha likaba ciseleza, ku bulela MULENA wa limpi, mi kusike kwa siyala ku bona mubisi kamba mutai.

63 Ki sikamañi Sa bulela? U bulela kwa lizazi le litaha. Kana mwa lumelelana ni zeo? Kwa lizazi le li taha la Mulena.

Kono haili mina . . .

64 Cwale amutalime, cwale U bulela kwa Isilaele. Cwale, ki sikamañi sa Na bulezi? “Kakuli, amubone lizazi la taha (kwahule koo) le li ka ciseleza.”

Kono ku mina ba ba saba libizo laka . . . Lizazi la kuluka lika mi pazulela ni foliso mwa mafufa a lona; mi mu ka zwa, mane mutakise sina manamani azwa mwa sakana.

Mu ka hatikela ba bamaswe; kakuli ba kabasina mulola mwatasi a lingandi za mahutu a mina mwa- . . . mwa lizazi le Ni tomile, kubulela MULENA wa limpi. (Isiñi . . . Lizazi le Ka cisa lifasi, lu ka hatikela fa mulola wa bona. Yeo ki Mileniamu, eeni shaa, mwabona.)

Muhupule . . . mulao wa Mushe mutanga ka, o Ni laelezi . . . Maisilaele kaufela mwa Horebe, ona mulao ni litaelo ni katulo.

Amubone, Ni ka mi lumela Elia mupolofita ku si ka taha . . . ni lizazi lelituna le li sabisa la MULENA:

U ka kutiseza lipilu za bashemi kwa bana, ni lipilu za bana kwa bashemi, ili kuli Ni si ke na to nata lifasi ka sikuto.

Kufela kwa Testamente ya Kale.

65 Cwale, Jesu naize . . . Mateu 17:10, kubulela ka litaba se. Majuda kaufela ba libelezi kutaha kwa Elia. Cwale, mutalime Jesu na bulezi ka zona, Mateu 17:10. Lu ka kalela fa timana ya 9, Mateu 17:9:

Mi ba ha shetumuka kuzwa fa lilundu, Jesu aba laela, kuli, Musike mwa bulelela mutu litaba . . . Musike mwa bulelela mutu ze muboni, (Mwabona, “Musike mwa kandeka se. Mwa ziba cwalo, kono mu ipulukele

zona.”) . . . *Musike mwa bulelela pono ye ku mutu, konji Mwana mutu ha ka zuha . . . kwa bafu.* Musike mwa li bulela.

Mi balutiwa ba hae ba mu buza, bali, Kiñi cwale bali balutiwa habali Elia uswanezi kutaha pili? Kiñi cwale Elia ha swanezi kutaha pili Kreste yo a si ka taha kale, Lizazi la kuluka? Kiñi ha ne ba bulezi cwalo? Faa, Muteni kale faa, mi bañoli babulela kuli—kuli Elia u ka taha pili.

Cwale, amutalime:

Mi Jesu a alaba ni ku ba bulelela kuli, Elia ki niti uswanezi kutaha, uka taha pili, mi akutise linto kamukana.

Kono Ni li ku mina, Kuli Elia u tile kale, mi ha mu si ka mu ziba, (Mwabona, Na si ka bulela kuli nali mañi yani, mwabona.) kono ba mu ezize mo mu batezi kaufela. Ka mukwa o swana ni Mwana mutu uka nyandiswa kibona.

Mi balutiwa ba utwisisa kuli na ambola za Joani Mukolobezi. (Cwale—cwale, Joani Mukolobezi ne li Elia yana lukela kutaha.)

⁶⁶ Cwale amutalime, Ni kutele mwa Malaki kauhanyo ya 4, hape. Cwale muhupule, U bulezi fa kuli, “Kusika taha kale butuna ni bunde, bwa Lizazi le lisabisa la Mulena, Ni kabe ni mi lumezi Elia mupolofita.” Timana ya bu 5:

Kono Ni ka mi lumela . . . mupolofita . . . Ni ka mi lumela Elia mupolofita ku si ka taha kale kusabisa kwa lizazi la . . . [Kopano ili, “MULENA!”—Mu.]

⁶⁷ Lu fumana sikamañi “mwa Lizazi la Mulena?” Kwa mafelelezo a lusika! Foo kona lifasi ha li ka tuka. Mwa hupula mo ne lu Mu ngezi ni milili ye misweu, mwa ziba, mi—mi fa sifuba sa Hae, inza itamile fa maheta. Mwa hupula cwalo? Mi ne lu bonisize ka Bibebe, ne si lizazi la sabata kamba nihaiba la Sunda, neli Lizazi la Mulena. Kana ku cwalo? Mi lani kona lizazi Ha taha sina Muatuli, “Mi uka nata lifasi ka sikuto.” Kana ku cwalo?

Mi Ni ka mi lumela Elia mupolofita ku si ka taha kale lizazi lelisabisa la MULENA:

⁶⁸ Cwale, mutalime kutaha kokubeli kwa Elia. Cwale, haiba mu ka lemuha, Mañolo kaufela ana ni litaluso zepeli, “Kono Li patezwi kwa meeto a ba babutali ni ba ngana, mi li patululezwi kwa limbututu zekona ku ituta.” Kana ha mu lumeli cwalo? Cwale, muswale Malaki 4 ona foo.

⁶⁹ Mi cwale ha lu kuteleñi mwa Mateu 2 fa muzuzu fela, fabuse fela bwa mampili yee, Mateu 2. Ni sepa Ne ni talusa Luka 2 isiñi Mateu 2. Nina ni yona fa i ñozwi, kono Ne ni sweli kuakufa mizuzu nyana fela yefelile, mi Moya o Kenile noliteni mwa sibaka ku na mi Ne ni sweli kuba ni nako yende. Kacwalo Ni talusa . . . 2,

ha lu boneñi haiba se si kaba sona. Cwale, ha lu baleñi fateni fa muzuzu fela. Mateu 2? Foo haki fona fo Ni bata, nji cwani? Cwale, fa muzuzu fela, Ni ka ifumana fela . . . Ha luboneñi ni be ni nako nyana fela fa kakuli Ni bata kuli mueze katata ku bona, kuli Mañolo ana ni litaluso zepeli ku Ona. *Likute la Anna; Kukutela kwa Nazareta; Paseka; Bulumiwa bwa Jaoni*. Cwale, haluboneñi haiba Ne ni talusa Luka, Ne ni sweli kubala fokuñwi mi . . . Ni—Ni talusa Mareka isiñi Luka, mwendi neli Mareka. Kono Ni bata kuli munge Liñolo le ili kuli—kuli muzibe kuli ki musebezi wa Mulena, kuli U ezanga se mwa mukwa woo. Cwale, Ni ka mi bulelela fo Ni sweli kubata, fokuna ni, “Kuzwa mwa Egepita Ni biza mwana Ka.” Kuna ni yana ni manzwi a ñozwi mwa matuko yakona kuifumana kapili? “Kuzwa mwa Egepita Ni biza mwana Ka, Ni bizize mwana Ka.” Cwale, fa nako nyana.

⁷⁰ [Muzwale uli, “Luka 1:17.”—Mu.] Luka 1:17. Ni itumezi, muzwale. Yeo ki niti, Luka 1. Mareka . . . Luka 1:17, isiñi 2. Ni bata kunga ya 14, fani ki fona . . . Yeo ki yona, muzwale. Yeo luli ki yona, Luka 1:17. Ku lukile. Cwale, cwale mwakona ku iñola. Cwale, seo ili sona, ki kuzwa mwa limbuyoti za Mulena, zene sepisizwe.

Mi mu kaba ni tabo ni nyakalalo; mi babañata ba ka tabela kupepwa kwa hae.

Kakuli ukaba yomutuna mwa meto a Mulena, mi haana kunwa veine kamba ze kola;

⁷¹ Muuna yo ya ka pewpa uka lutwa kuzwa kwa kupepwa kwa hae kuli asike anwa kamba kuba ni sa kueza ni sibi se si cwalo. Mwa utwa kana?

. . . mi uka tala Moya o Kenile, kuzwelela mwa mba ya mahe.

Mi buñata bwa bana ba Isilaele uka ba sikululela ku Mulena Mulimu wa bona.

Mi ukaya ka moya ni mata a Elia, kuli afetule lipilu za bashemi bwa bana, ni baikanyisi kwa butali bwa kuluka; mi alukiseze Mulena sicaba sa hae.

⁷² Cwale, cwale lu lemuha kuli na polofitilwe, mi Joani neli yena mutu yoo! Kana ku cwalo? Joani neli yena Elia, wa lizazi lani, yana lukela kutaha.

⁷³ Cwale, lu ziba hape kuli Mañolo linako zeñwi atalusanga lika zepeli. Aka bulela nto iliñwi, inge mwa Mateu mo I bulezi kuli, “Kuzwa mwa Egepita Ni biza mwana Ka.” Ku lukile, Ni lumela kuli ki yona yene Ni sweli kubata, “Kuzwa mwa Egepita Ni biza mwana Ka.” Mi cwale haiba mu ka batisisa “mwana” yoo mwa litaluso foo, Na li . . . nasi ka . . . Ne i kutezi mwa Hosea, yene sa talusi *Jesu*, Mwana Hae; ne li—neli *Isilaele*, mwana Hae, “Kuzwa mwa Egepita A biza Isilaele.” Kono ne i na ni litaluso zepeli ni kutwisiso yetuna ku yona ha ne italusa ni kubulela ka za—za

kutaha kwa Jesu, ili yanali yomutuna kufita—kufita Isilaele, ha Na bizelize Isilaele kwande. Ku lukile.

74 Cwale, lu fumana hape kuli una. . . mwa kutaha kwa Hae kwa makalelo ne si ka Lizazi la Mulena. Kana ku cwalo? Cwale, kukuta mwa Malaki, ha lu otololeñi se hande pili, “Kutaha kwa Lizazi la Mulena.” Cwale, mutalime kutaha kwa Hae ko kubeli, kutaha kwa Hae kwapili ni kutaha kwa Hae kwa bubeleli. Kana muitukisize za minahano ya mina ya moya? Timana ya 6 cwale, “U ka. . .”

. . . U ka luma. . . Elia. . . kusika. . . taha kale lizazi
lelisabisa la MULENA: (Kana ku cwalo?)

75 Cwale, lu lemuha kuli yani ne si Joani, kakuli ne si lona Lizazi le li sabisa la Mulena (nji neli lona?), mi Yena. . . mane Na si ka cisa lifasi. Kacwalo ne i lukela kuba mubonahalelo wa makalelo, kamba—kamba kutaha kokuñwi kwa kwapili kwa Joani. . . kamb kwa—kwa Elia. Kana ku cwalo? Kakuli Na ize, “Ni ka luma Elia, mi Ni ka cisa lifasi kaufela, mi Ni ka li kenisa, mi mu ka hatikela fa mufuse wa bona.” Yeo ki Mileniamu, lwa ziba cwalo. Kasamulaho wa ndalamiti ya atomic i li lubaluba mwa liemba, kona ku kaba. . . lifasi li ka otololwa hande. Mi ku kaba Lizazi lelituna fa fa lifasi, mi Keleke i ka busa ni Jesu fa lifasi ka myaha ye eza sikiti. Kana ku cwalo? “Kono kale kusika taha kale Lizazi le li sabisa la Mulena leo, ha li ka kashezwa mwa halimu, Ni ka mi lumela Elia mupolofita.” Kana ku cwalo? Kona kuli ne ku sa talusi Joani Mukolobezi mwa buino bwani, kakuli Lizazi le li sabisa la Mulena ne si ka nako yani, myaha ye likiti zepeli kwahule. Kana ku cwalo?

76 Cwale, mutalime timana yetatama. Mi haiba mu kaba ba moya luli cwale; cwale, le ki liñolo la lilato, mi muna ni kubala mwahala mibamba mi kipeto li ka ba hande. Mwa ziba ze Ni talusa. Muhupule mo Ni bulelezi, ki Mañolo, “Jesu na lumbile Mulimu kakuli Na Li patezi ba babutali (meeto a bona) ni ba ngana, a Li patululela limbututu.” Cwale, Ni bonisize hañata ka za musala ka ha ni ñolela liñolo; Na kona kubona za bulela mwa liñolo, kono Ni bala mwahala mibamba fa kuziba za talusa, mwabona, kakuli Na mu lata mi Na—Na ziba sibupeho sa hae. Mi muna ni kuziba sibupeho sa Mulimu ni ku Mu lata, kipeto Mañolo aka yema hande ku mina. Uka A patulula.

77 Cwale, mutalime timana yetatama:

Mi uka kutiseza lipilu za bashemi kwa bana,
(Cwale, mutalime.) *ni lipilu za bana kwa bashemi, . . .*
(Mwabona?)

78 Cwale, mi Joani ha na tile sina Elia, na kutisize lipilu za Maisilaele, lipilu za bana bene ba ka amuhela liñusa la hae, lipilu za bashemi kwa bana. Kono cwale ha taha kwa nako ye, uka fetulela lipilu za Keleke kukutela kwa bashemi ba Pentekota. Mwabona, ki kukuta kutela foo. Mwa utwa nji? Cwale, mu Ibale!

79 Cwale, muteeleze ka tokomelo cwale:

Mi uka kutiseza lipilu za bashemi kwa bana ba bona, . . .

80 Muprisita wa orthodox wa kale; uka ba bulelela kuli, “Kiñi, Mulimu wa kona kuzusa bana ba Abrahamama kwa macwe aa. Musike mwa nahana kuli mwa kona. . .” Mwabona? Cwale, uka nga lipilu za muprisita za kale ze kakatezi ni mafume a orthodox ni ku kutiseza lipilu za Tumelo ze ne banani bana faa. Mwabona, “Cwale, ba kaufela bene ba kolobelizwe mi ba libelela kutaha kwa Mesia. Kimañi ya mi lemusike, mina lusika lwa linoha, kuli musabe kwa buhali bo bu na ni kutaha?” Oh, mawi! Mwa bona, “Na sweli kufetula lipilu za bashemi kwa bana ba bona.”

81 “Ni lipilu za bana kwa bashemi ba bona.” Cwale, mi yo Elia yomutuna ha ka taha mwa lusika loo, u ka lwala Liñusa la Pentekota ku kutiseza bana kwa Tumelo ya bashemi, kakuli uka ba omanya bakeñisa kuli ne ba si ka buluka Tumelo ye ne liteni kwa simuluho. Amen! Cwale, Ni lumela kuli lwa lemuha hande kuli ikaba Elia. Nji cwani ha lu zibi? Cwale lwa ziba cwalo.

82 Mi ina ni. . . Cwale mwa bona, Lizazi le li sabisa la Mulena ha li si ka taha. Ne ni komokanga kamita, “Kana muuna yo ukaba fela mukutazi, kanti?” Elia na ezize limakazo kaufela, na si ka kutaza. Kono cwale Moya o ha no tile ku Joani, Wa eza ni za kukutaza kaufela ni limakazo. Kiñi? Jesu na ka mu latelela, Na ka eza limakazo, “Kakuli Lizazi la kuluka li ka pazula,” na ize, “ni foliso mwa mafufa a lona.” Kacwalo Joani na si na taba ni kueza limakazo, na zibahaza fela kutaha kwa Kreste. Mi bona. . .

83 Cwale, muhupule, mi Joani yoo. . . kamba Elia yoo ya ka taha, habana ku mu utwisisa, ukaba muuna ya mata hahulu fapila Mulena kufitela sicaba si nahana kuli ki Mesia.

84 Kakuli balikani babande ba hae ne ba mubulelela kuli, “Ki wena Mesia.”

85 Mi ali, “Ha ni swaneli ku tamulula likatulo za Hae, kono Yena wa ni taha mwa mulaho!”

86 Kakuli nebali mwatasa tibeledo, mi, kubona Mesia, ne ba nahana kuli Mesia na taha. . . Ha ba bona ponahazo tuna ye haitaha mwahala bona, se bali, “Ki yena Mesia.”

87 Joani ali, “Ha ki Na! Kono Wa ni taha mwa mulaho!”

88 Oh, mawi! Mwa utwa kana? Kacwalo balikani ba hae luli ba ka nahana kuli ki Mesia.

89 Cwale, mulemuhe nto yeñwi ye ka nga sibaka, sibupeho sa se, uka taha kale Lizazi la Mulena li si ka taha. Cwale, lifasi ne li si ka tuka mwa mazazi a Joani, kona kuli ki kwapili. Ha taha nako yapili, na kutalize fela; nako ya bubeli, uka—uka to kutaza ni lisupo ze sepisizwe ki Jesu Kreste. Ku lukile, cwale, ha

lu talimeñi fa sibupiwa mo si ka bela, sibupeho sa mupolofita ya taha yoo.

⁹⁰ Cwale, lu utwisisa kuli lingeloi la lusika lwa keleke ya mafelelezo ye, li bulezwi mwa Testamente ya Kale moo; cwale, babañwi ba bona ne ba si ka bulelwa. Paulusi, Irenaeus, ne ba si ka bulelwa. Kono lusika lwa mafelelezo loo, kwa mafelelezo a maungulo, mafelelezo a lifasi, ikaba nako ye tabisa hakalo ye lu libelezi kwapili aluna, kacwalo lingeloi le la lusika loo ne li bulezwi kuzwa kwa mulaho koo mwa Mañolo, Mañolo a Kale, kufela kwa lusika loo. Ki Elia, yomutuna ya tozizwe.

⁹¹ Cwale, mutalime! Ki mufuta wa sibupehi mañi o Elia akaba ni ona? Pili, ukaba mupolofta ya mata wa niti kwa Linzwi la Mulimu, kakuli Elia neli wa niti, ni Joani neli wa niti. Yeo ki niti. Kueza lisupo ni ze komokisa, uka fetula lipilu za bana kukutela kwa Tumelo ya bashemi ba Pentekota. Uka toya likopano sina Elia mwa na ezelize. Yeo ki niti, uka li toya! Ni sepa kuli luna ni taba yateni ikalile ku yena cwale; seli nako yakuli atahe. Uka toya likopano! Elia na ba toile, ni Joani ki mwa na toezi likopano cwalo.

⁹² Joani naize, “Musike kutaha, ka kunahana kuli, ‘Cwale luna ni Abrahama kuba ndata luna.’ Mina Bafarisi ni Basaduki, mina sishañata sa libili! Linoha mwa bucwani,” ka manzwi amañwi. “Kakuli Na mi bulelela, Mulimu wakona ku zusa bana ba Abrahama kwa macwe aa.”

⁹³ Elia ali, “Kaufela bona ba keluhile, mañi ni mañi wa bona! Hakuna ya siyezi haisi na ni nosi.” Oh, mawi!

⁹⁴ Yena hape u ka toya ni basali ba matanya! Elia na ba toile: Jezebele. Kana ku cwalo? Joani na ba toile: Herodiasi. Bubeli bwa bapolofita bao, Moya, ki Moya o swana. Ne ba toile lifasi la likopano, keleke ya lifasi. Ne ba toile, hape, butanya, basali babasi bona sakata. Neba . . . Sesiñwi mwa moya wa bona ne si omanya lika zeo! Jezebele na bata toho ya Elia mi na ka ipuma kwateni; mi ni yena hape nabile ni toho ya Joani kupumiwa kwateni, Herodiasi nali cwalo. Bubeli bwa bona!

⁹⁵ Mupolofita yoo ukaba ya lata lihalaupa! Sina Elia, Na pila mwa lihalaupa, anosi. Joani, mwa lihalaupa, anosi. Mi lu ziba kuli i kaba Elia. Ku lukile.

⁹⁶ Mi mupolofita yo ukaba alimuñwi ya ka pila hande ka Linzwi la Mulimu. Eeni, uka ina hande ni Lona, Linzwi kaufela. Kwa sikamañi? Ku kutisa Tumelo (kwa keleke ya Efese) ye latehile nako ye kaufela, Tumelo, mwa keleke yene na ni “Sikwalo sesikwaluhile” se sitomilwe fapila yona ni ku I hana.

⁹⁷ Ha ki mutu ya itutile. Elia ne si mutu ya itutile, wa Tishbe. Joani na si mutu ya itutile. Luka 1:67, Bibebe ibulezi kuli nali . . . “Kuti mwana yani nali mwa . . . kuzwa fela ha pepwa, a ya mwa lihalaupa, nali mwa lihalaupa kufitela lizazi ha boniswa kwa

Isilaele.” Yeo ki niti. 1: . . . Luka 1:67 kuisa fa timana ya 80, haiba mubata ku i ñola.

⁹⁸ Mupolofita yo ukaba mutangana wa sizuhela cwalo. Elia, kasamulaho amano ba ni mukopano omutuna, hakuna yana kona kuba ni yena. Elia nana ni mioya. Ha na zwezi kwande kwani ku yo biza mulilo kwa lihalimu mi a cisa tutala twa Baale ni lika kaufela, amatela mwa lihalaupa ni kubulela kuli, “Mulena, Ha ni yomunde kufita bashemi baka, ni shwe fela.” Kana ku cwalo? (Ni Joani. . .) A—a yo ina mwatasa kota, ya janipa, mi kasamulaho wa ancafazo yetuna, cwale abata kuli ashwe fela.

⁹⁹ Mi Joani, ha ba mu nepela mwa tolongo (musali ya maswe loo) aina fani ni kukala kutahelwa ki maikuti asili. Ni lumela kuli Pember kamba yomuñwi wa bona naize, “Liito la hae la mbande ne li boni pono hape, mwa tolongo.” A luma baluti wa ba hae babañwi.

¹⁰⁰ Mi, kiñi, na bulezi, kuli, “Ki yeo Ngunyana ya Mulimu ye takula sibi sa lifasi.” Joani na boni Siita sa Mulilo inge sili fahalimwa Hae, sina Liiba, mi la shetumuka, ni kulula ku Yena. Alipaka kaufela, mi ali, “Ye ki yona Ngunyana ya Mulimu!” Mi ali, “Ni tokwa ku kolobezwa ki Wena, mi kiñi ha U taha ku na?”

Jesu ali, “Tuhela kuli kube cwalo cwale.”

¹⁰¹ Kono ha ba mu beya mwa tolongo, akena mwa libaka ze kolobile kapili. Mwabona, mufuta o tata cwalo, ne ku sa konahali ku munanula mwatani. Mi ha ba yo kwanisa, ki hali, “A muyo Mu buza haiba luli Ki Yena, kamba lu libelele usili ya sa taha?” Ona cwalo fela inge Elia mwa na ezelize, mwabona, ka kuswana fela.

¹⁰² Yena, nali wa mufuta wa mutu yana ni sizuhela cwalo, kacwalo lu mu utwela makeke kakuli lwa ziba zeo mo liinezi. Ku lukile.

¹⁰³ Cwale, cwale kwa . . . Ki—ki Keleke, kwa ponahazo yee . . . Ni siye fela zeo foo. Kwa kubonahala kwa hae, ki—ki Keleke . . . Ha ka i tibahalisa, yena Elia ya maata yoo ili yo Mulimu aka lu lumela, ha ka itibahaza sina Elia mwa na ezelize, Keleke ne ili bukaufi ni ku liululwa, ya liululwa mwa mazoho a buhedeni. Kana ku cwalo? Ka nako fela ya na tile kwani ali, “Lu ka bona kuli Mulimu ki ufi,” Elia a lamulela Keleke. Mi Joani, inge fela Joani mwa na ezelize, na bulezi fani ha bona Jesu, ali, “Ni swanezi ku bubuka mi Yena a hule.” Joani akala ku kutaza, na itibahalize kutaha kwa Mulena ku sika ba kale. Ka swanelo kwa mafelelezo, ponahazo. Ku lukile.

¹⁰⁴ Cwale, lu fumana cwana kuli Elia una ni kotalusa ona cwalo kwa Keleke ye. Ka kupaka kuli neli Elia: Elia kasamulaho amano fa sipolofita sa hae, Elia na sa lukeli ku shwa, na fetuzwi mi a ngelwa kwa Lihalimu; mufuta wa Keleke (kwa mafelelezo a Elia yo ya ka taha, kwa mafelelezo a nako ya *hae*), Keleke i ka ya mwa Kuungelwa, kusina kukena mwa miluti ya lifu. Ikaba

Kuungelwa! Ni lumela kuli Elia yomutuna, yena yomutuna yana ni kutaha, u kaba Elia ya tozizwe ya polofitezwi mazazi a mafelelezo. Amen! Ni sepa kuli uka ba, ha sa tile, yena lingeloi, kamba mulumiwa kwa keleke mwa mazazi a mafelelezo (ya hanilwe, sicaba se si shebile, kwa keleke yeo aka kena ku yona, mi u itukisize). Ni sepa kuli Elia u sepisizwe mwa Bibebe. Ni sepa kuli lwakona ku utwisisa zeo, kuli Elia yo ki yena ya na sepisizwe mwa Bibebe kutaha mwa lizazi le. Kana mwa lumela cwalo?

¹⁰⁵ Cwale, ha lu yeni cwale mwa Laodesia mi lu ka bona seo Mulena luna una ni kubulela ku luna busihu boo ka za Laodesia, ki Laodesia. Ku lukile, litumeliso kwa keleke:

. . . *kwa lingeloi la Mulena* . . .

¹⁰⁶ Timana ya 14 kuisa mwa kauhanyo ya 3 ya Sinulo:

. . . *kwa lingeloi la Mulena* . . . *la* . . . *Laodesia ñola uli;*
Ki ze za bulela Amen, paki ye sepahala mi ya niti, ni
makalelo a pupo ya Mulimu;

¹⁰⁷ Oh, mawi! Luna ni kaufela . . . Kambe luna ni busihu kaufela ona foo, ka mo Mulena akona ku lu patululela! Mutalime!

¹⁰⁸ Ki “Amen” ki yena “Mafelelezo.” U bonahalile mwahala musipili kaufela, ni lika zeshutana, kono ki lo lusika lwa keleke ya mafelelezo fo i bulezi kuli, “Kina . . . Yo ki yena ya ungula, Ki na wa Mafelelezo.”

¹⁰⁹ Cwale, kwa kubonisa kuli Na li “Wapili” hape, sina mwa Na inezi, ki Yena “makalelo a pupo ya Mulimu.” Oh! Kana mwa Li lemuha? Mwabona? Ku konahala cwani kuli Mulimu abupiwe haiba Ki Moya? Ukona Ku bupiwa cwani? Yena—Yena ki wa Kuyakuile! Na si ka bupiwa, Haana ku bupiwa ni kamuta, kakuli Na li Mulimu kwa simuluho. Kono Yena yali “wa makalelo a pupo ya Mulimu” neli Jesu Krete ka nako Ha bonahala, fani Mulimu hana pila ku Yena. Ki yena *pupo* ya Mulimu! Oh, mawi! Mwabona, “Wapili ni wa Mafelelezo; ki Amen, makalelo a pupo ya Mulimu.” Mi Mulimu ha na Ipupezi mubili, Ataha fafasi ku to pila ku ona, ao kona makalelo a pupo ya Mulimu. Mwabona? Oh, ha Ki yomunde nji?

¹¹⁰ Cwale, lu fumana kuli kwa makalelo, Na bonisize Bulimu bwa Hae ona *faa*, “Ki na Yamata kaufela! Ki na Yana Liteni, Yali Teni, ni Yaka Taha. Yamata kaufela!” Kwa keleke ya Efese, ubulezi cwalo linako zetalu. Kana ku cwalo? Utaha hape mwa Laodesia ni kubulela kuli, “Kina Amen. Ne nili Wapili kwa mulaho *kwanu*, Kina wa Mafelelezo ni *kwanu*. Mi ki Na makalelo a pupo ya Mulimu. Mwahala masika a likeleke e lubile ni ona, mu ka ituta kuli Kina Mulimu, Mulimu ya bupilwe mwa sibupeho sa mutu. Kina makalelo a pupo ya Mulimu!” Amen.

¹¹¹ Seo sikona ku eza kuli wa Presbyterian ahuwe. Mu nahane fela ka zona! “Makalelo a pupo ya Mulimu.” Cwale, Na . . . Oh, mo Ni latela cwalo, “pupo ya Mulimu,” fani Mulimu ha

bupiwa, fani Mulimu ha ezwa mwa nama ku Jesu Kreste ni kupila mwahala luna.

112 Cwale—cwale, timana yetatama ikona kuba (kwa likeleke zeñwi) kulumba, kono Na si ka lumba keleke ye. Nana ni pilaelo ka yona, isiñi tumbo. Na si ka lumba ye kusina libaka, ye ya lusika lwa Laodesia. Ka Liseli kaufela lene ba nani, ni kukuta ku Lona, ne ba sa tokwi tumbo ni yekana. Uh-huh. Ne ba tokwa kalimelo, mi ba i amuhela! Na nani pilaelo ka keleke ye, isiñi tumbo.

113 Cwale Ni bata kubala timana ya 15 ni 16 fa cwale:

Ni ziba misebezi ya hao, . . . ha u bati ha u cisi: Ne ni ka lata kuli ubate kamba u cise. (Ka manzwi amañwi, “Usike—usike wa ba ya futumala fela.”)

Mi cwale kakuli u enya fela, u sa bati u sa cisi, Ni ka ku taza mwa mulomo waka. (Hmm!)

114 Aluta . . . Kana yeo ki tumbo? Yeo ki kalimelo kwa lusika lo lu si lwa bumulimu lwa Laodesia loo, lo lu maswe kwa sikwata kaufela. Zeñwi za zona kaufela mwatasa manyando ni lika kaufela zene ba nani; neba sina sika, ne bali babotana luli, ba yambaela mwa matalo a lingu ni a lipuli, mi baba linyambageti, mi ba sahiwa ni ku cisiwa ku isa lifu, ni kufiwa kwa litau, ni lika zeñwi kaufela, kono niteñi ba kumalela kwa Tumelo. Mi sikwata se si “fumile mi hakuna ze si tokwa,” ni lika zeñwi kaufela, mi ki lihule! Yeo ki niti.

115 Cwale, luna ni tuto yetuna luli, Ni sepa kuli Mulena alu tuse kuyona. Na—Na ize, “Kakuli ha u cisi kamba ku bata, wa enya fela.”

116 Inge mabisi, mwabona. Mabisi abata hande ki amande. Nji cwani? Mabisi a cisa ki amande ku mina. Kono mabisi a futumala aka mi tazisa.

117 Nahupula busihu bobuñwi Ne ni kulile, kwa nuka, mwendi myaha ye mashumi amabeli ni aketalizoho kwa mulaho. Ne nili mwa mukolo o munyinyani o sinana, ha ne lu sa pila kwani. Na kula, mi se ba taha, mulamu waka wa muuna a ni isa ku Dr. Isler. Ali, “Ki butata mañi?”

Se nili, “Na kula hahulu mwa mba!”

118 Ali, “Nwa kwateni komoki ya mabisi a futumala.” Oh, muzwale! Mabisi a futumala, a ni kulisa, kona kuli Na tapisa kaufela zeneli mwa mba.

119 Cwale, Mulimu uize, “Ni tabela kuli u cise, kucisa luli ko ku bilile teelee, kamba kubata kukangela, ube iliñwi ya zona. Usike wa enya, kakuli u ka Ni kulisa.”

120 Zeo kona ze lu ezelize Mulimu lusika lwa keleke ye, lwa Mu kulisa! Mwabona? “Kamba ube . . . Usike . . . Ub- . . . usike wa

fubela- . . . Ube ya-fubezi u cise kamba . . . Usike wa ba ya enya fela! Kufutumala kamba kucisa; kakuli u ka Ni tazisa.”

121 Kubatelwa kwa keleke yaba Anglican mwa mazazi a John Wesley kwa muisa kwa kuba ni mikopano kusili fela, kakuli ne kubata, kuhazela.

122 Kubatelwa kwa keleke ya Methodist ya kutiseza William Booth kuba mukutazi wa puluso ya halifile. Mwa bona, Mulimu naize, “Ha mu sa tahi ku to baka, Ni ka zwise kandela. Ni ka i zwise, ni ife ku mutu usili.” Kona kuli keleke ya Methodist ha i hana kuamuhela kukeniswa kwa John Wesley, William Booth ataha ni Salvation Army ni ku i pamula kuya kwapili. Yeo ki niti. Kiñi? Ba i ongaonga! Yeo ki niti. Ba eza kopano ku yona, mi Mulimu ali, “Ni toile lika zeo!”

123 Kacwalo he . . . William Booth ataha ku to ipamula, ni ba Salvation Army, mi kisikamañi sa na ezize? Ki nto yeswana, ba fetuha ni ku i ongaonga hape. Mwa mulaho wa hae kwataha ma Campbellite, mi baina fa nako nyana; mi kwataha John Smith ni ba Baptist; mi mwa mulaho wa bona kwa taha ba Nazarene; mi kasamulaho wa ba Nazarene kwa taha Pentekota.

124 Banazarene, ki sikamañi se ne ba ezize? Ba toma za bona ka mukwa o swana, ba li ongaonga.

125 Ki sikamañi sene sitile ka nako yani? Mitai nyana yemibeli, Church of God ni zeñwi cwalo, za comoha mwateni. Ki sikamañi se ba ezize? Baongaonga; abatuhela fela kuikela.

126 Mwateni kwa taha Mapentekota ni mbuyto ya pula ya mwa mulao, ki sikamañi se ne ba ezize? Baongaonga, kacwalo A ba tuhela fela kuikela ona cwalo. Yeo ki niti.

127 Cwale lu ka shetumuka fafasi kuisa kwa mafelelezo, mu ka utwa sika se si buhali luli mwa mizuzu yelikani. Ku lukile.

128 Ku lukile, U bata kuli u cise luli kamba—kamba ya kangela, neku le kamba leliñwi. Musike mwa ba baba enya fela! Fela u si ke wa i kapeleza lika zo sina, ikaba yaba kuli una ni mulilo wa Mulimu kamba kukutela mwa—mwa—mwa kopano. Musike—musike mwa enya fela!

129 Ki nto yeswana cwale! Yeo ki nto yeswana ye ne ezahalile mwa . . . likeleke ze fa. U bata kuli u cise kamba u bate. Ha lati kuli ube ya “enya.” Zeo kona ze ba bile ni zona Mapentekota, ki buino bo bu enya fela. Ba taha fa piano fa nako nyana, ni milupa yelikani, ni kuliza fateni hanyinyani; ni kuba ni lipina zeñata fela, yomuñwi wa yema mwa mufuta o cwalo . . . mwa ziba, ka kubulela kuli, “Kulumbwe Mulena! Haleluya!” Uh-huh. Mi lipina lizwelapili cwalo, “UH, Uh, uh, *uh*,” ki cona cwalo. Oh, mawi, zeo li eza Mulimu kukula mwa mba ya Hae! Mwabona? Uh-huh. Ku lukile.

130 Hakuna zeñata ze ezahala hahulu, kuba sina—sina ancafazo yefubelu yesweli kuzamaya ku bona, kono neba na ni mishini

yeñata mwa keleke ye, mwa bona, kakuli neba fumile mi, oh, mawi, ne ba tamahana hamoho ni kueza mikopano yemituna ni lika kaufela. Nebana ni nako yende mwa keleke ye, yeo kaufela ki niti, kono kaufela ki mishini yemituna. Kono hakuna mufutumala wa Moya o Kenile. Mwabona?

131 Mutalime fa sa Na bulezi mwahali mo, mwabona:

Ni ziba misebezi ya hao, . . . ha u bati ha u cisi: Ne ni ka lata kuli u bate kamba u cise.

Mi kakuli u enya fela, . . . ha u bati ha u cisi, Ni ka ku taza mwa mulomo wa ka. (Mwabona?)

132 Cwale, U ize, “Ni lata kuli u bate kamba u cise. Mi kakuli ha u cwalo, Ni—Ni na ni ku kutaza fela, ku felile, ku ku taza fela mwa mulomo wa Ka.”

133 Cwale, nebana ni masheleñi amañata, nebana ni miyaho yemituna, nebana ni lika zetuna inge liezahala, kono nebasina mufutumala wa Moya o Kenile. Oh, nebana ni mishi- . . . ki—ki buino. Oh, mawi! Ba ikungela keleke ye Swalani hamoho. Mushimani, nebana ni miyaho yemituna ku yene bakile baba ni yona, ni lika ze ezahala ona cwalo, kono kusina Moya o Kenile. Mwabona? Zeo kona Mulimu za na lumile kwa Keleke, ka Moya o Kenile.

Cwale, halunze lu zwelapili mwa timana ye ya 16.

134 Bana ni mifuta kaufela ya tutengo. “Oh, luna ni muzamao o mutuna. Katengo ka basali ba kale, mi ni—ni papali ya mitangana, ni—ni papali ya bunco la Bufaifi busihu, mi ni—ni papali ya basketball la Sunda musihali, mi, oh, papali ya baseball la *bukana-ni-bukana*. Mi, oh, luna ni fela—fela katengo ka baana babuleli. Mi, oh, luna ni mifuta ya lika kaufela.”

135 Na mi bulelela, u keni mwa lika kaufela, tutengo, ni tukwata, ni kulwana, ni lika zeñwi kaufela, kono hakuna mufutumala wa Moya o Kenile. Mwabona, muna ni sikwata sesituna, kono hamuna sika mwateni sa ku futumalisa. Musweli ku futumazwa ki lifasi kono isi ki Mulimu, ki kabakaleo ha mu enya fela.

136 Oh, muna ni ma membala hahulu kufita bo mukile mwa ba ni bona. “Luli, mushimani! Kiñi, luna ni baba milioni hape ka ’44,” kwa bulela ba Baptist. Kono—kono muna ni sikamañi? Ki mushini o mutuna!

137 Ki mwa keleke yeswana mo ne Ni utwile pulelo yeo, nebana ni kuzwa ka mizuzu ye lishumi ni ye ketalizoho, kufa mulisana kolo ya kuzwa fande, ni madikoni kaufela ni babañwi, ku yo zuba, ni kukena mwahali hape. Mwabona? Ki fo he cwale. Bibebe ya nyaza lika zeo patala! “Haiba u silafaza mubili woo . . .”

138 Madokota ba ka u nyaza ni kubulela kuli, “U tezi fela kansa.” Mi kipeto ba ya fa silimba mi bali, “Ki sefa ya mutu ya nahana.”

139 Sina Billy Graham hana ize, “Ki sikuba haiba u nahana ka nzila yeo.”

140 “Sefa ya mutu ya nahana,” muuna ya *nahana* hakoni ku zuba ni hanyinyani, yeo ki niti, munge munahano wa buleli. Kono u bulelela basali kuli li ka ba siya fela litalo, mwa ziba, kuli bakone kutina zeñwi za litino zenca zeba nani zee. Mushimani, zeo kona ze lekisa lika! Basali babañata ba zuba hahulu kwai kufita baana ba cwale, mi musali uka zuba yemilalu ku ulimuñwi, mishanga, kufita muuna. Yeo luli ki niti, kakuli ubata kuli aote. Ha lemuhi kuli yeo ki TB ni kansa ni lika ze mu ezisa kuba cwalo, mwa mifuta fela wa mbututu, zetaha ku yena, za mu ca ona cwalo, ku mu bulaya. Hakuna zekona kutaha mwateni konji bumaswe fela! Yeo ki niti. Mwabona? Kono zeo ki, “Ki—ki sefa ya mutu ya nahana.” Hah! Oh, mawi!

141 “Batili! Batili! Oh,” ba li, “kono luna ni...Muzwale Branham, Na hana seo! Luna ni mikopano yemituna! Mutalime za na bile ni zona Billy Graham mwa naha.” Oh, luli, muzamao omutuna, amena babuleli, aholisa bazamaisi ba lipina.

142 Eehe, ba memanga babuleli babona. “Kihande, mu ka ni fa bukai ha Ni ka to ba ni ancafazo yeo? Kihande, haiba hamukoni kulifa ma dollar *amañata* Hanina kutaha kwateni. Yeo ki niti. Mi kimañi ye mu ka lumeleza kuzamaisa lipina? Kihande, mwaya ku yo biza mukete ya *Kuli-ni-kuli*, ki muopeli yomutuna wa linzwi lapili. Mwa mu biza kuli. . . Uka biza licika la sikwata sa ka, uka kona yena luli.”

143 Balifa baopeli ba linzwi lapili! Balifa babuleli! Kiñi, si taha fa sibaka sa kuli kuwina mioyo seli litekisano. Kupilisa mioyo ha ki musebezi wa keleke, ki mata a Moya o Kenile mwa keleke. Kupilisa mioyo ha ki nto. . .ha mu leki zeo ka masheleñi. Batili, sha! Batili! Kaufela zona li cwalo, ki misebezi, misebezi, misebezi, kuholisa babubeli, kuholisa bazamaisi ba lipina, kuholisa baopeli, lika zeñwi kaufela. Mulimu halati ze cwalo, kaufela zona ki misebezi! Mulimu halati misebezi, U bata Moya o Kenile kubeleka ku mina. Yeo kona niti.

144 Timana ya 17 ili:

Kakuli u bulela kuli, Ni fumile, . . . ni atezwi ki lika, mi hakuna se ni tokwile; kono ha uzibi kuli u mwelwa, (Oh!) . . .ha uzibi kuli u mwelwa, . . .u nyandile, . . .u mubotana, . . .u sibofu, mi u mapunu: (Hmm! Hmm!)

145 Ne ba hupula kuli ba “fumile,” yona Pentekota ye mwa likeleke za lusika lwa maungulo. Neba hupula kuli. . .Mi kwande nebali cwalo. Eeni, sha. Ne ba fumile. Mu nahane fela ka keleke, yene banga ka lilimo nyana kwa mulaho, ne i yemanga fa manganandila, yene kasheha kuzwa mwa sibaka ni sibaka, neina ni nako yetata. Kono cwale bana ni miyaho yemituna kuyeliteni.

146 Mwa bona ba Assemblies of God kwande kwanu, yene banga ni sibaka sa yona mwa muyaho wa likota kota fela, nto yeswana

inge ye fa, mi cwale basweli kuyaha muyaho wa ma dollar aeza sikisi milioni, mi ba li, “Jesu wa taha ona fa.” Misebezi ya hao ipaka kuli ha u lumeli cwalo. Ki buipi! Kuyaha miyaho yefeza ma dollar aeza ma milioni ni lika zecwalo, ni kubulela kuli, “Jesu wa taha ona fa.” Mi bahasanyi ba linzwi babotana mwa masimu, ba basina neba makatulo kwa mahutu, bahasanyi ba linzwi ba ba saba Mulimu luli, habana makatulo kwa mahutu, mi bapila fela ka misulo yemibeli ya laisi ka sunda; ba ca habeli ka sunda mi baisa Evangeli mwa mishitu ni libaka ze cwalo, ku Iisa kwa mizwale ba bona. Mi luna lu yaha miyaho ya madollar aeza ma milioni, ni keleke yetuna, ya magilasi a kupukuta maluli, ni lika zeñwi kaufela, ni kui beya fo kucwalo foo. Oh, mane muna ni masheleñi amañata hahulu kuli linako zeñwi bana ni tutengo to tu kolotisa mali mwa likeleke za bona. Yeo ki niti!

147 Dokota u mwateni yana ni kutatuba babubeli kamba bahasanyi ba linzwi ba bona. Mi yomuñwi ya bata kuya mwa masimu, ba mufa tatubo ya dokota kubona haiba una . . . kamba mutatubi wa booko, kubona haiba una . . . oh, haiba luli una ni Ngana ya hae hande, mwa bona. Moya o Kenile kona o tatuba seo, hamutokwi mutatubi wa booko.

148 “Kono, ni fumile mi hakuna se ni tokwile.” Oh, luli. Una ni masheleñi amañata. Kwande, bufumu bo buñata; una ni miyaho yemituna, mahaulo a magilasi a ku pukuta.

149 Ni bakutazi ba baziba kubulela ka bukwala! Oh, mawi. Mawi, Ni ka mi bulelela, hmm, bona baziba kubulela ka bukwala. Bakona kuyema ni kubulela busihu kaufela, mi hakuna zeba bulelela. Mwabona? Ha ba yema . . . Ni talusa lika ze ba sa lukeli kubulelela, mwa bona. Ba yema, ni lika zeñwi ze, ni kubulelela ka zelikani za *kuli-ni-kuli* ni yo wa *kuli-ni-kuli*. Mi mwa ziba mo liinezi. Baopeli ba holisiwa. Yeo ki niti. Ku lukile. Kono, kutaha kwa katala, ki bakutazi baba bulelela ka bukwala. Ha ba si ka apala mwa suti ya tuxedo ni kola ye fetulezwi kwa mulaho, ni koti yena ni muhata omutelele cwalo, kiñi, kopano yabona i iktwa kuswaba luli.

150 Mi baopeli bani ha bataha kwanu, basali bani, milili ye mi kuswani ye kukuzwi sina Jezebele, mipende yemiñata kwa lifateho za bona yekona kupenta sishete mutumbi. Ba sa tubula fela lisila lani, batina tuputula ni liapalo za baana, mi Bibelee iize, “Haiba musalia apala sapalo se si lukela kuba sa muuna, ki maswabisa mwa meeto a Hae.” Ba zamaya mwa mukwakwa ni lingo ze minyukezi mwahalimu, ha ne i ka nela neika ba tibisa. Sikwata se sibutali, mangulunde, bo Jezabele ba kacima-cima! Ki kabakaleo halusina ancafazo, ki siemba sesituna sa mushini o beleka.

151 Oh, wakona kuba ni linzwi inge lingeloi lelituna, mi Mulimu uka ku atulela zona! Ba bo Elvis Presley ni babañwi cwalo, ni bo Ernie Ford, kamba baba biza cwani kaufela babana ni manzwi

amande bani mi baitusisa ona ku diabolosi, Mulimu naize, “Ni ka bata zeo mwa mazoho a bona.”

152 Ki kabakaleo ha Ni kuteka Fanny Crosby wa sibofu; na si ka lekisa mpo ya hae kwa lifasi. Na ibulukile ni Mulimu.

153 Buñata bwa sicaba see ki baopel baba bukwala, baana baba bukwala, baana ba batuna, ni babañwi cwalo, kufita kuli baitusise litalenta za bona ku Mulimu, diabolosi u ba lyanganisize mi bazwezi kwande inge ba mu sebeleza. Butu bwa nama, mikwa ya buino bwa silimba ni mazimumwangala, basweli baitekisa, kwande kwani kwa lifasi mwa sibaka sa ku lifa ku Mulimu. Babañwi ba bona ba tahanga kwa keleke, baya kwa keleke, ba apala mikanjo yemituna yeminde, haba taha baopela cwalo, mi bakuta ku yo opela rock-ni-roll busihu bo butatama. Bao kona baopeli be lu ziba, baba fumaneha kwa likeleke zeñwi, bazwela kwande ku yo ba ni maswaniso, ona maswaniso a mafilimu ani, bazwela kwande ku yo opela rock-ni-roll. Malena ba rock-ni-roll, mi baipapata kuli ki balapeli! Ki makilikicani a diabolosi!

154 Muuna alimuñwi nana ni ngana yeñata—yeñata mwa toho. Yana bulezi kuli na kaba mukutazi, na nanuhanga la Sunda kakusasana ku yo kutaza, mi kipeto uya teñi la . . . ni kuba fa tukiso ya silimba ku yo opela lipina za rock-ni-roll ni lika kaufela ze cwalo, kacwalo kwa mafelelezo anga tobolo ni ku ikunupa kwa toho. Na mufa likute yani ka kueza cwalo. Yeo ki niti. Yeo ki niti. Na—na nani zeñata . . . Nana ni ngana yeñata kufita likulube, nihakuli cwalo, ha li yo kenelwa ki mioya yemaswe se li matela mwa mezi ku yo miniswa. Batu babañwi mane habana neba ngena ye cwalo.

155 Na ziba kuli mina . . . Ni—Ni toile kubana ya buhali cwalo, kono, muzwale, kezeli, muna ni—muna ni ku kañatela kuli sika—sika si lamatele! Le ki lona lizazi le lupila ku lona. Ni sepa kuli haiba Jesu na bizize Heroda kuli “luwawa lwa kale,” mi Joani aba biza kuli “lusika lwa libili,” ku lukile.

156 Bana ni miyaho yemituna, mahaulo a ma gilasi a kupukuta, bakutazi baba bukwala, baopeli baba holisiwa. Eeni, sha. Ki sikamañi se ba keni ku sona? Ki sikamañi sesili ku zona? Hakuna za Moya o Kenile. Ba yema fani ni kuzwela fande mi ba yo tina tuputula, mi habakuta ba to opela mwa kwaya. Wena muipi ya nyandile! Eeni, sha. Yeo ki niti.

157 Ni wena, mukutazi, ya kaya kwa mukopano bakeñisa kuli ba fa masheleñi kufita mo ba ezeza kwa libaka zeñwi! Wena namakanangelwa, ha swaneli kuba fa katala. Yeo ki niti. Masheleñi! “Haiba hamuna kulukisa madollar *amañata* likitikiti, kihande, haluna kutaha. Bo—bo—bo bomuina sipula ba luna ni babañwi ba ka bateñi, haiba muka kwanisa fela masheleñi lu ka taha. Haiba ha Ni koni kuba ni kutwano yetezi ni mutu kaufela, Hanina kutaha. Haiba mutu kaufela ha utwani

hande (likeleke kaufela) kuli Ni be ni masheleñi amañata ni life likoloti zaka, Hanina kutaha.”

158 Muzwale, muuna sakata wa Mulimu ukaya fela haiba Moya o Kenile kona wa muetelela, hakuna taba kamba kubeilwe bukai mwa koleko. Haiba una ni kuca mañende a mukele ni kunwa mezi a mwa mpako. Yeo ki niti, ki mutanga wa luli wa Mulimu.

159 Kono batu ba icakelela bona za silimba ni mazimumwangala, ni lika za mifuta kaufela ya lifasi, kufitela baba ni masheleñi a cwalo. Yeo luli ki niti. Mwabona? Yoo ha ki Mulimu.

160 Na ize, “Oh, u fumile, hakuna so tokwile.” Luli, kono yona nto yo tokwa luli, hauna yona. Yeo ki niti. Kono no si ka i ziba. Mwabona, “Kufuma, hakuna sa tokwile.” Ba lifiwa ka kueza lika ze ba eza, kubapala makadi. “Oh,” mu li, “luna ni likopano zetuna.” Oh, luli. Eeni, sha. “Kopano yetuna kufitisisa! Kiñi—kiñi, mwa ziba, mubusisi wa tolopo utahanga kwa keleke yaluna.” Um-hum. Yeo ki niti. “Kihande, mwa ziba, wa *Kuli-ni-kuli*, ha tahanga mwa tolopo ya luna, u fitelanga kwa keleke yaluna.” Um-hum. “Luna ni baika kaufela mangwangwa mwa keleke yaluna.”

161 Eeni, mi mutuhela babotana, baba shebile bahalalehi ba tahe mwa keleke, muli ki maswabisa ku mina. Mane ha mu balati mwatani. Mu saba kuli yomuñwi u ka bulela kuli “Amen!” hamusweli ku kutaza.

162 Inge kalibe yomunyinyani Ne ni balile nako yeñwi mwa kabuka moo, natile mwa keleke. Bana ba hae, na ba huliselize mwa keleke ya mufuta wa kale mwa matakanyani kokuñwi kone bali ba bumulumu luli. Kacwalo ba . . . Mutangana cwana akena zazi leliñwi ku to nyala musizana yoo. Ali na zwa kwa keleke ya *kwande*, mwa ziba, iliñwi ya likeleke zetuna za kopano yeswana ya mwa tolopo. Kona kuli a bulelela bo mahe kuli nali Mukreste. Ki ha nyala musizana ni ku ya ni yena.

163 Kihande, kwa mafelelezo a mu zwisa mwa keleke ya mwa mushitu yeneli mwa malundu, kutaha kwande kwanu, kwa keleke yetuna tuna yende, ya libizo leliswana; kono kwahule kwani nebana ni Moya o Kenile, haili kwanu ne ba si na. Kona kuli ha ba kena mwahali, mwa keleke yetuna yende yee.

164 Bomahe ba li, zazi leliñwi, neba taha kwa—kwa kupotela mwana bona. Kihande, ne ba komoka kuli ne ba ka eza sikamañi ni yena. Kona kuli ha taha cwalo na bonahala inge nto yeñwi yezwa mwa buka ya ba kale, iliñwi ya zona zenyinyani, lindelesi za mukame, mwa ziba, ni mazoho amatelele, ni milili ya hae ikamunezwi kwa mulaho, sifateho se si hohezwi kwa mulaho, cwalo (inge nyanisi, mwa ziba). Mi ki yo ataha, mi ubulela kuli, “Kihande, Haleluya, mulatiwa! Mu ikutwa cwani kaufela?” Kihande, ki hali, “Cwale, kakusasana ki la Sunda.” Ali, “Kaufela mina mwa ya kwa kukopana, nji cwani?”

165 (Bo muuna hae bali, “Luka eza sikamañi ni yena?” Ali, “Halukoni kuya ni yena kwani cwalo!” Mi ki hali, “Kihande, Ha ni zibi sa kueza.”) Kihande, mi ali, “Ima, Na mi bulelela, luna . . .”

166 “Oh,” ki hali, “kono, mulatiwa, Ne ni palezwi kuina fande a keleke. Luli kuna keleke ya *kuli-kuli* yeliteni moo.” “Oh,” musali . . . ki hali . . . Ali, “Ni boni iliñwi fa manganandila fani, Ni ka ya fela kuyona.”

(Mi ki hali, “Oh, kihande, lukaba fela ni kueza cwalo.”)

167 Kacwalo ha ba yo kena, ba mutuhelea akena pili, (Mwabona?) ne ba mu swabela. Ki yo ataha mwa nzila ni kakoci nyana kani, mwa ziba, ni Bibeles yani mwa liñafwa. Kihande, muzwale, hakulata na si na libizo la hae mwa buka ya *Kimañi Yali Mañi*, kono Na nahana kuli nana ni libizo la hae mwa Buka ya Ngunyana ya Bupilo. Yani neli yona taba ya butokwa.

168 Ha yo kena mwa keleke aina kwa mulaho kwani, aikungela sipula, mwa ziba, ni kuapula Bibeles ni mi akala kubala. Mi mutu kaufela akala kutalima kwa ni kwa, ba hupula kuli ki sibiyana sa butokwa hahulu sa kale se sewile kokuñwi. Ba talima kwa ni kwa cwalo, “Oh, mawi!” Ni litino za bona zende inge ba apezi, mwa ziba, Laodesia yetezi, ni lindelesi za bona zende ni zeñwi cwalo. Ba tahalima kwa mulaho mi ba bona me wa mwanana yainzi fani yoo, ni lumenyo lolutuna kwa sifateho sa hae, mwa ziba, inza bala Bibeles. Eehe.

169 Mi mulisana, kasamulaho nyana, ha se ba felize lika zeñwi kaufela, yena kwa mafelelezo, nana ni mizuzu ye lishumi ni yeketalizoho ya kukutaza. Mi ki ha nanuha ali, “Mulena ki yomunde.”

170 Musali ali, “Kulumbwe Mulimu! Yeo ki niti! Haleluya!” Mi mutu kaufela aotolola ngele inge licikwi, inge ba talima kwa ni kwa, “Ki mañi yani?”

171 Mi cwale kasamulaho nyana, ki hali, “Uhm! Uhm! Uhm!” Mi ali, “Bakreste mwa lusika lufi kaufela balukela kuba ni mata, babatiile, Bakreste babande,” kamba nto yeñwi ye cwalo.

172 Musali ali, “Kulumbwe Mulimu! Yeo ki niti!” Mi kaufela bona baitemuna.

173 Mi yena, “Uhm!” atalima fa katengo ka madikoni.

174 Mi katengo ka madikoni ka lemuha. Ba ya kwa mulaho ba yo swala musali yani fa lizoho ni ku mu zwiseza fande, bali, “U sweli kulyanganisa mulisana.”

175 U shwile mi ha u zibi cwalo! Eeni. Oh, mahaulo a mina a magilasi a kupukuta aka mitusa sikamañi? Lipula za mina ze benya mi zende likatusa sikamañi? Mi likopano za mina zetuna kaufela ki zañi? Ki kuya fela kwa lihele, inge shakame haiya kwa kandu ka yona. Kakuli haiba hauna Moya wa Mulimu, u

latehile! Kwanda kuli u pepwe sinca haukoni ku bona Mubuso wa Mulimu.

176 Zeo li buhali. Kuswana inge ha ne Ni nwanga oli ya castor, Ne niile, “Ima, Hani koni neba ku itiisa.”

177 Boma bali, “Haiba ha u ku kulisi, hauna kukutusa.” Kacwalo Ni sepa kuli cwalo kona mo siinezi Se, ni sona.

178 Oh, hane mu ka ambola ni bona! Oh, yemituna, miyaho yeminde, ni zeñwi cwalo. Oh, bona—bona—bona. . . Mu ye kwa keleke yabona, ne mu ka bulela kuli. . . Muye kwa keleke ya bona ni kubulela kuli, “Kihande, Na mi bulelela, mina mu Mapentekota?”

“Oh, eeni. Uh-huh. Luli, lu Mapentekota.”

“Mwa lumela mwa kupepwa sinca?”

“Eeni.”

“Kihande, Ni bata ku mi bonisa nto yeñwi. . .”

179 “Oh, amutalime fa muyaho woo! Mwa ziba butuna bwa muyaho. . . kuli uleka bukai? Woo neli bukafi ni madollar alikana milioni fa ku uyaha. Mwa ziba, ne lusina ona ka mayemo aa. Ne—ne lu banga kwani mwa malibela.” Um-hum, mi mutalime kwa ni kwa, muka fumana lika zetuna zeba nani. Eeni, sha. Mi cwale ba li, “Oh, luna—luna ni lika zetuna ze kaufela!” Kono habana mutiyo wa mioya yelatehile! Kamita ba bata ku mi bonisa butuna bwa muyaho o ba nani. “Talima fa piho ya luna ya sikolo sa la Sunda, mo sibezi sesituna!” Ki bunde mañi bo buliteni haiba habana Moya o Kenile? “Sifumu, kumatelwa ki lika, hakuna se ba tokwile.”

180 Zeo kona za Na bulezi, “U nahana cwalo, kono ha u zibi kuli u mubotana, u mwelwa, u nyandile, u sibofu, u mapunu. Mi ha u zibi!” Mwabona? Kona cwalo.

181 Oh, luli, mi bali, “Mwa ziba kana? Ne lubanga ni. . . Keleke yene lu i tusisanga kwa mulaho kwani, ye ki yetuna cwale!” Mi Na ni bulelela, hakuna mutiyo wa mioyo, kono ba lukela kubona kuli lika ze kaufela za tokomelwa. Katengo ka likalibe, n lika zeñwi ze kaufela, kaufela lina ni ku tokomelwa, kono hakuna mutiyo wa mioyo ye latehile. Oh, muuna, kiñi—kiñi seo keleke ye ikeni ku sona!

182 Ne ba si ka bilaezwa ka mioyo, kono ne ba nani pilaelo ya sifumu. Yeo ki niti. Nebana ni mutiyo o fosahalile. Nebana ni mutiyo wa sifumu sa bona kono isiñi mutiyo wa mioyo. Mañolo a ize, “Ne ba sa zibi kuli ne ba nyandile,” (Oh!) “babotana, libofu.”

183 Ne ba nahana kuli bakona kufumana masheleñi ni kufetula lifasi. “Oh, haiba lukona fela kuba ni tukiso, ye kona ku lufumanisa mali amañata fa, Ni lumela kuli neluka fetula lifasi. Haiba babañwi ba sicaba se si fumile mwa keleke ya luna, Muzwale Branham, haiba ne lu ka ba ni bona kuli ba tahe, mi

Ni lumela kuli ne luka kalisa katengo kene kaka—kaka ya kwa libaka kaufela ni—ni kufetula lifasi. Neluka nga lifulai ni ku haasanya libuka mwa Africa kaufela, ni lika ze cwalo. Kambe luba ni fela masheleñi!”

¹⁸⁴ Muzwale, lifasi halina ku fetulwa ka masheleñi. Lifasi li ka fetulwa ka Moya o Kenile; kutazo yemata ya Moya o Kenile ni Sifapahano kona lika fela ze ka fetula lifasi. Tukiso ya Mulimu ha ki masheleñi. Ki Moya o Kenile, yeo kona tukiso ya Mulimu kwa Lusika lwa Keleke ya Laodesia kamba lusika lwa keleke ifi kaufela. Eeni, sha.

¹⁸⁵ Ba bata Moya o Kenile. Oh, ba li, “Luna . . . ni gauda.” Ne li gauda, ku lukile, kono isi yeswanela. Ne bana ni gauda yeñata kono isi yeswanela. Cwale, kacwalo ba laelwa ki Jesu kuli, “Ni ziba kuli u fumile, mi una ni gauda, mane hakuna so tokwile,” kono:

*Ni ku eleza kuli utahе u leke kuna gauda ye likilwe
mwa mulilo, . . .*

¹⁸⁶ Gauda ya mufuta o shutani, eehe, ki gauda ye likilwe mwa ondo ya mulilo, ye fitile mwa mulilo wa lifu, ye fitile fa Kalvari, ye zwezi fande.

¹⁸⁷ Buñata bwa gauda ye munani yecwale ya swala masila, ika pazauha, ikaba ni mafume. Haiba mwakona kuñola taba ye, Jakobo . . . Muhalalehi Jakobo 5:1 kuya fa 4, mi muka utwa se ili yona, ili, “Muye mina, baana ba ba fumile, cwale kwa kutaha kwa Mulena, mulile ni kubokolola kakuli bumai bwa mina bu mi tahezi fahalimu, gauda ya mina i pazauhile ku mina.” Mwabona, yeo kona gauda ya mufuta o pazauhanga.

¹⁸⁸ Kono gauda ya fa Jesu ki Moya o Kenile, Oli ya gauda ya Moya, ye suluhela mwa pilu ya hao. Mi—mi, oh, mawi, “Ki taelo ya mina, mutahe muleke ku na gauda, haiba mubata ku fuma.” Oh, eeni.

¹⁸⁹ Hape, nebalin “libofu.” Cwale, yeo ki nzila ye maswe ya kuba yona. Ha ni sepi kuli Bakreste ba nebali libofu hahulu sina mo ne ba bezi ni “kubonela fakaufi.” Ni lumela kuli nebana ni kubonela fakaufi. Taba fela yene ba talima kuyona neli miyaho yabona yemituna. Taba fela yene ba talima kuyona neli kopano yabona yetuna. Taba fela yene ba talima ku yona neli sikwata sesinde sa ba kwaya ni mikanjo ya sona yemituna ni lika zeñwi. Ni sepa kuli nebana ni fela kubonela fakaufi, neba palelwa kubona fabuse bwa ngo ya bona, mane. Ha ni sepi kuli nebali libofu, nebana ni fela kubonela fakaufi. Se ne ba bona fela neli za bona . . . “Kihande, mwa ziba kana? Lu ba siemba sa *Kuli-ni-kuli!*” Likopano zetuna, likwata zetuna za bona, ma membala babañata, sikolo sa bona sesituna sa la Sunda, miyaho yabona yende.

¹⁹⁰ “Kono neba tokwile Moya o Kenile,” Jesu a bulela. Ne ba tokwile Moya o Kenile! Kacwalo Mulena ali ku bona, “Liito . . .

Haiba mina . . . meeto aboni hande, mi muna ni kubonela fakaufi hahulu kufitela mupalelwa kubona sika fa ni kopano ya mina yetuna, ni za mina . . . mubusisi wa tolopo ni kaufela ba ba tahanga kwa keleke ya henu, mi muna ni lingwangwa. Mane muna ni Na. Kono haiba mu libofu ze cwalo, mi meeto a mina ana ni litombo, Ni ka mi lekisa mulyani wa mwa meeto.” Eehe.

¹⁹¹ Mwabona, ki nto yenca kuli baituti ba za bulapeli bani nebasina yeñwi ya zeo, nji cwani? Nebana ni sende yeñata, nebana ni lituto zeñata za bulapeli. Kono ne batokwa mafula a mwa meto, Moya o Kenile wa Mulimu, kuli ulotele mwa meto abona ni kuli ba libelele kutaha kwa Mulena, haba talime fa Bibe, ha ba talime fa Linzwi. Ba ziba mwa kubulelela kuli “ah-man” ka swanelo hande luli. Nebana ni sende, nebana ni mafula a mifuta kaufela. Kono, “Neba tokwa mulyani wa mwa meto,” ki Mulena ya bulezi. Ali, “Mu tokwa mulyani nyana wa kulotiseza wa meto a mina, mi aka kwaluha.”

¹⁹² Ne kubanga kuli, hane Ni li mushimani yomunyinyani . . . Ni bulezi taba ye, Na lumela, mwendi Ni ibulezi fateni mwa keleke. Taba ye itile mwa munahano waka cwale. Ne ni hulezi mwa malundu a Kentucky, nako nyana, mi ne lupila mwa ndu ya mabala ya kale. Boma, fa . . . Mi neluna ni—neluna ni sibaka sa kale fahalimu, mi neluna ni matelesi ya—ya mataka ni bucwani. Mi cwale fahalimwa matelesi yani ya bucwani ni mataka nekubeilwe mafufa. Ha ni zibi haiba mwa ziba matelesi ya mafufa kamba nee, kamba mumbeta wa mataka ni bucwani; mumbeta wa kale, neluli babotana. Bondate ni boma nebana ni mumbeta wa bona fafasi. Mi kacwalo ne lupahamanga manela kuli lufite fahalimu, mi boma neba beyanga, foku—foku—fokuñwi, siemba sa lisila la tende ni zecwalo, kubuluka li . . . Mwa ziba, mwa yema . . . mulobala fani ni kubala linaleli mwahala mabala ani ne lu yalanga ka liseli la kweli, mwa ziba, mi kuna ni masuba amatuna mwa situwa cwalo.

¹⁹³ Mi cwale ha ne kubanga mbundu kamba ze cwalo, kamba pula ne i kenanga mwahali, luna banana ne lu ikapesa mwatasi a—a lisila la tende le, mwa ziba, kuli lube . . . lusike lwa koloba. Mi linako zeñwi miandala ya masuba ani, nelu—nelu—nelu kenelwa ki silami mi meto a luna a opa. Mwa ziba, kaufela luna lwa li kuhazela kwa silami, silami mwa meto a luna. Mi kacwalo boma ba lu biza kakusasana, “Amu tuluke.” Ni bulela kuli, “Hani koni kutaha, ima, kakuli meto aka atibani.” Nina ni—Nina ni malanga ku ona, mwa ziba, silami mwa liito. Ne ni palelwa kutona, mwa ziba. Mwanana ya lobezi fani, mi na ni Humpy ni babañwi inge balika kutona kono ne lu palelwa, ku fofala.

¹⁹⁴ Bo kuku ba baana neba teyanga tulaba, tungamba, tungamba. Mi yeo neli ona mulyani wa mwa lapa la luna, neli lisuzo la kangamba. Ne lu lambanga makatulo a luna ka lisuzo la kangamba. Mi haiba una ni libelenge, bacimbeka bwanda

mwa mulyani mi kipeto, eehe, kipeto wa miza mulyani ha ulota, bakeñisa, libelenge.

¹⁹⁵ Mi cwale meto a luna hana talanga malanga, boma neba shimbanga mulyani wo... “Ku lukile, fa muzuzu fela, mulatiwa.” Ne ba matela mwa situngu ni kunga komoki yetuna yetezi lisuzo la kangamba leo, ni ku li bilisa luli licise. Mi kipeto ba taha ku to lotisa mwa meto aluna, mwabona, kufitela lieza musebezi. Mi kasamulaho nyana Na kala kubona, na tona. Kuba . . . Lisuzo la kangamba kona lene li kwalula meto.

¹⁹⁶ Mi Na mi bulelela, lubile ni silami se si maswe! Mwabona? Kubile silami se si maswe hahulu mwa mushitu. Ba Baptist ne baize, “Mazazi a limakazo a felile. Hakuna nto ye cwalo kuli Moya o Kenile, mi hakuna kubulela mwa malimi. Hakuna kolobezo ka Libizo la Mulena Jesu.” Mi, oh, silami sa mufuta kaufela, mi si kwalile meto amañata ka silami sa moya. Si kanga zeñata kufitelela lisuzo la kangamba kuli akwaluhe meto a bona, muzwale. Si kanga kolobezo yenca ya Moya o Kenile . . . ? . . . kuli ilotele mwa meto a mina ni kuli mubone, kuzwisa kubonela fakaufi kwa mina kuli mubone Linzwi la Mulimu kuba la niti. Yeo ki niti. Oh, “Ni mi laela kuli mutahe mu amuhele ku Na mulyani wa meto a mina, mulyani o tonisa meto a mina.” Konakuli mwa . . . Kacwalo . . .

¹⁹⁷ Baituti ba litaza za bulapeli bana ni . . . lituto za bona za bulapeli, ni sende ya bona ni lika zeñwi, kono lina ni zeñata hahulu za zona. Si lwala Moya o Kenile kuli kube ni pono ya moya fa kubona mata a Lihalimu kubeleka. Moya o Kenile, mulyani wa Moya o Kenile! Mulyani wa meto ki oli ye cisa, lwa ziba cwalo, mi cwale Moya o Kenile ki yona Oli ya Mulimu.

¹⁹⁸ Mi kaufela lituto za bulapeli ni sende, “Oh, muzwale, mulatiwa, mu i ketile. Hakuna ze fosahalile ni . . . Lika kaufela li lukile. Kihande, luna ni keleke yetuna hahulu ku zeliteni mwa muleneñi.” Sende yeo haina kubeleka! Batili, sha! I ka mi konisa kubona hande *faa* (kubonela fakaufi) ni kubulela kuli, “Eeni, luna ni keleke yetuna hahulu.” Kono ku cwañi he ka Katulo yetaha foo Mulimu ha ka yo mi atula, mina ma membala ba keleke ya Laodesia?

¹⁹⁹ Ha ni buleli hahulu fa, kono Ni inzi fa tepu mi ikaya mwa lifasi kaufela, mwa bona, kacwalo kubulela ka sicaba se si likana ma milioni nyana a batu ka nako ye, mwa bona.

²⁰⁰ Kona kuli ki cwalo. Laodesia! Kuenya! Kuwa! Kufoufala! Ha ni sa ziba kuli kiñi hape. Limule! Mule ki ya mazwake, haina mayemo a tiile ka kukala. Mi ha mu ambola ku yona, ika bapula mazebe ayona amatuna, ni kulila, “Haw! Haw! Haw! Haw!” Hakuna makeke ku yona. Ki ya mazwake, ki mbongolo ni tonki. Boo kona butata cwale, mubeya Manikolai ni ba Laodesia hamoho, kipeto mukaba ni tonki hape. Se lu tokwa . . . Yeo ki niti. Ha ba zibi. Mu ba bulelele za foliso ya Bumulimu, kolobezo

ka Libizo la Jesu. Bali, “Haw! Haw! Mulisana wa ka nya . . . Haw! Haw! Ha lu lumeli sina ba Presybterian.” Litimbi! Kona mo mukona ku libizeza feela . . . ? . . .

201 Ni toile mule. Kono Na mi bulelela, Na lata mbongolo yende, ye musa ya luli, mushimani, mwakona ku i luta sika. Mu ka iluta kuinama, ni kuba mwa takano, ni kueza inge mutu mwakona kuezeza, kakuli ki . . . ya ziba nto yeñwi. Ina ni mali sakata. Mule haizibi kuli ndata yona neli mañi kamba maa yona ki mañi, mi haikoni kuitahisa ili yona. Ki cona mo kuinezi ni likopano zeñwi za kale, ze bata, ze futumala fela, halina kuzuha hape. Keleke i sa kena fela mwa kopano, i shwile! Ha i si ka zuha kale fateni hape. Ki sikamañi? Ki mazwake!

202 Martin Luther na lukile, kono cwale ha to ongaonga kiñi sa na ezize? Ba Methodist ne ba lukile, ha na ongaongile kiñi sa na ezize? Pentekota ne i lukile, kono ha mu iongaonga ki sikamañi sene muezize? Mwa i zwakanisa, mwa i zwakanisa mwa keleke ya Katolika ya Bunikolai. Ona cwalo fela mo mu ezelize! Kunga mufuta wa yona wa kolobezo, kunga nzila ya yona ni likezo, mi Bibebe ibulezi kuli, “U mwana musizana wa lihule, litanya. Mwana musizana wa mahule!” Luli ku cwalo!

203 Mbongolo ya mali a niti, kauke, ki ye lukile. Oh, ki yende, Na i lata. I beya toho ya yona fa maheta a hao, ya mufuta wa lilato, cwalo. Kiñi? Ya ziba yoo ndata yona ali yena, ya ziba yoo kuku wa yona wa muuna ali yena, ya ziba yo kuku wa kuku wayona wa muuna nali yena. Yakona kukuta mwa mulaho, ki ya niti.

204 Mi Ni tabela kubona Mukreste wa niti sakata! Ha ki kushimba liñolo la hae: ki wa Methodist sunda yefelile, ni wa Baptist sunda yee, ni wa Pentekota sunda yee, ni wa Pilgrim Holiness sunda yetaha. Ha i zibi kuli ndata yona kamba maa yona ki mañi. Kono haluboneñi ni mi belele, muuna ya pepilwe ka Moya wa Mulimu wakona kukutela kwa Lizazi la Pentekota; wakona ku mi bulelela kuli ki wa luli, ki mupentekota! Amen! Ni bata kuba wa pentekota kukalela kwa toho yaka kuisa kwa lingandi za mahutu aka. Ha ni talusi Pentekota ya kopano. Ni talusa mata a luli a Krete ya zuhile, Mbuyoti ya luli ya Pentekota.

205 Mulyani wa meto, mukwalule meto a mina kuli mutalime ko li zwelela. Mutalimela seo keleke ili sona kacenu; mutalime kwa mulaho ni kubona ko i zwelezi, mi kipeto mu zwelepili kuzamaya kuliba ku Mulimu, mu ka zwa ku zona. Eeni, sha.

206 Ku lukile, Ni lemuha nto yeñwi, yeli, “Ba mapunu; mapunu mi ha ba zibi.” Luli.

207 Oh, mapunu mi ha ba zibi. Cwale, mutu yani u mwa ziyezi luli, haiba mutu u nyandile, sibofu, kunyanda, mapunu. Cwale, haiba wa—haiba wa ziba cwalo, uka tuseha; kono haiba ha zibi cwalo, mutu yo kipeto u lyangani mwa toho. Kana ku cwalo?

Whew! Seo si buhali nyana. Ulyangani mwa toho, ha zibi mwa kona ku i tuseza.

208 U boni mutu ya taha mwa mukwakwa, inza li mubotana, ya nyandile, sibofu, mwelwa, ni mapunu, mi u li, “Muzwale, u mapunu.” “Oh, Ni cwalo? Oh, Oh, muzwale, ni tuse kokuñwi, ni tuse kuli ni apale.”

209 Kono mutaha ku yena ni kubulela, “Kuli, kana u amuhezi Moya o Kenile haisamba u lumela?”

210 “Ki sikamañi soli sona, mupikuluhi ya kenile? Kihande, uli, u talusa sikamañi? U sike wa ni bulelela cwalo, Ni wa Presbyterian, Ni wa Baptist, Ni zwa kwa *kuli-ni-kuli* ni kwa *kuli-ni-kuli*.”

211 Mapunu mi ha u zibi cwalo! Cwale, Na li kuba ni bulele cwalo, ki Bibeleye bulezi cwalo ka lusika lo, “Mapunu mi ha u zibi. Mutahe mu leke ku Na liapalo,” A bulela.

. . . *kubo yesweu* . . .

Kubo yesweu ki ya Bahalalehi; kona kuluka kwa Bahalalehi. Mwabona? . . .

212 Mapunu? Oh, luli! Eeni, sha! Oh, mu li, “Muzwale Branham, isiñi keleke ya luna, ki keleke ye apala hande mwa tolopo!” Ha ni kakanyi seo; zeñwi za litaba zenca, masila a pumilwe hande ka bukwalala, baika babanca ba Hollywood ze ba tinanga, za butanya hahulu kuli mane nemuka fetula meto a muuna kaufela ya zamaya mwa mukwakwa. Uh-hum. Luli.

213 Kalibe alimuñwi naize ku na, ali, “Muzwale Branham, kana u ni bulelela cwalo? Cwale, lu lekanga lindelesi ze mwa sintolo mi kona fela zo kona kuleka.”

214 Se nili, “Ba sa lekisanga libyana ni kupanga mishini ye luka liapalo. Boo ha ki buinyazo bwa zona.”

215 Bibeleye i ize, “Kaufela ya talima musali ka ku mulakaza u sa mu bukile kale.” Kana ku cwalo? Kihande, he, haiba musali uapala za butanya ni kuipeya fapila muuna, ki mañi ye luka nyaza ka zeo? Ki musali, ki yena ya itahisize cwalo. Yeo luli ki niti.

216 Cwale, wakona kuba ya kenile luli inge mulilima ku muuna hao. Wakona kuba musizana yomunyinyani ya si ka eza kale bumaswe mwa bupilo bwa hao, ube mwalanjo ha u nyalwa ku muuna hao. Kono haiba u tina ze cwalo utiseleza baana ku kutalima ka mufuta o cwalo, u ezize boozwa ni *wena* kale kale mwa pilu ya hae. Muezalibi ya na ku talimile yani. Kakuba Mukreste wakona kuba ni liapalo zenca mwa muleneñi, zende ze lukilwe fa bwana, kono ha li swaneli ku Muhalalehi wa Mulimu kuli atine cwalo.

217 [Hakuna manzwi fa tepu—Mu.] Oh, eeni, ha li tahi ku mwana Mulimu.

218 “Oh, batili,” ba bulela. Kihande, ba li, “Keleke ya luna . . .” U tinile hande? Ne ba bulezi kuli nebali cwalo. Ne ba “fumile, ne ba sa tokwi sika.” Luli. Kiñi, ne baize, “Neba mulisana wa luna u zamayanga mwa mukanjo omutuna. Ba kwaya kaufela ba zatinanga mwa mikanjo yemituna.” Diabulosi u icocomelize mwatasa yona. Uh-hum. Uh-hum, yeo ki niti. Oh! Hmm, hmm! Kihande, Ni sike na bulela zeo hape. Kacwalo, Ni tuhele fela zeo linosi. Ku lukile.

219 Oh, lika zetuna ze kaufela! Likwata za ba kwaya ze uzwizwe, ba kwaya baba holisiwa mali, bana ni ku ba holisa kuli baopele. Hmm. Bana ni kupapweka mukutazi zeñata hahulu kusi cwalo uka amuhela pene pizo isili ye ka mu holisanga ka butuna nyana. Uka biza katengo ka basepahali hamoho ni kubulela kuli, “Cwale, mizwale, Ni—Ni . . . mubile ni makeke hahulu ku na fa, mu ni file minda anda *yeñata-hahulu* mwa sunda,” kamba nto yeñwi ye cwalo. “Kono Keleke yeñwi ya Presbyterian ya . . .” (Ku ibiza “Pentekota” kamba kaufela seili sona.) “fabuse fa, bana ni—ba ni file sepiso ya kuli ba ka nifa *zeñata* za kuli mane.” Oh, mawi!

220 Kona kuli ki sikamañi sa na ni muhalalehi yoo? Ki kolo mañi yeba nani? Keleke ye shebile itezi sikamañi ka Moya o Kenile ki mufuta wa kolo mañi yeba nani? Ne ba sa kwanisangi ze cwalo. Kacwalo Mulena wa ku nanula sesiñwi foo, amen, yoo ki ya nopilwe ki lizoho la Hae kasibili, ku mu taza ka Moya o Kenile ni ku mubeya ka kuba mutoneli fahalimwa yona. Ku muluma . . . Ki hali, “Ni ku laela kuli u tahe mi uleke liapalo ze sweu ku yena.” Bibeke ibulezi kuli, “Liapalo ze sweu ki kuluka- . . . kwa ba bakenile.”

221 Cwale, Ni lumela kuli luna . . . Ha lu ngeni za—fa timana ya 19 cwale. Ni lumela kuli ki timana ya 20 fo luinzi cwale, yende ye Ni bona. Eehe, eehe, ni kukwala ka yona yee. Cwale, amu kuze luli cwale mi muteeleze halunze lueza se. Muteeleze:

Amubone, Ni yemi fa munyako, mi na ngongota: mutu ha utwa linzwi la ka, mi akwalula sikwalo, Ni ka kena . . . mi ni ce ni yena, mi yena ace ni na.

Ya tula Ni ka mufa kuina ni na fa lubona lwa ka, sina Na ha ni tuzi, mi ni inzi ni Ndate fa lubona lwa hae.

Ya na ni lizebe, ha u twe seo Moya u si bulelela likeleke.

222 Wo ki mubulelelo ulimuñwi wo icemezi o Ni kile nabona fateni mwa Testamente Yenca. Ni bata kuli mulemuhe, “Ni yemi fa munyako na ngongota.” Wo wa itusiswa hahulu, ki mubulelelo wa ku kombolela baezalibi. Kana ku cwalo? Lu bulelela baezalibi, “Jesu u fa munyako, wa ngongota.” Kono fa U sweli wa ngongota fa sikwalo sa *keleke* kakuli Na kile azamaya ni bona, kono bona (ka kopano ya bona ni bulifasi ni kubatelwa) ba Mu timbooka. U kwande a keleke.

223 Cwale, muhupule, kwa makalelo a masika a likeleke, halunze lu kwala, Na sweli kuzamaya mwahala makandela a gauda (Kana ku cwalo?), masika a likeleke zesupa. Mi kwa mafelelezo kwanu, lu Mu fumana kwande a keleke mañi? Ya Laodesia, keleke ya Laodesia. Kwande, ne ba timboki-. . . neba Mu timbokile. Kiñi, Na yemi kwande inza lika kukena mwahali. Ki siswaniso kwa kuutwisa makeke! Mupulusi wa lifasi, ayeme kwande a keleke ya itekezi ka Mali a Hae Tota. Maswabisa ku bona!

224 “Ni yemi fa munyako na ngongota.” Kasamulaho wa ku kashezwa fande, mi ulika kukutela mwahali, ku icomeka mwatani ni ku ngongota fa munyako. Ye ki pulelo yetabisa hahulu mwa Testamente Yenca. Ni sepa kuli hakuna se si kona kuutwahala butuku hahulu kufita se, ka kubona Mupulusi wa lifasi ya lelekezwi kwande a keleke ya Hae Luli, ya lusika lwa Laodesia. Kasamulaho Amano ba bulelela sene ba ezize, bufumu bwa bona ni lika kaufela, ni sene bali sona, ni mo ne ba bezi baba enya fela ni zeñwi cwalo, mi bona—bona nebana ni. . . zabona. . . Na si ke aba tazeza kwande, ne ba *Mu* tazelize kwande. Mi fa nekuna ni lika ze kaufela, u sa ngongota fa sikwalo, ulika kukena mwahali. Ki zañi? Ku bafa Bupilo Bobusafeli. Bona luli bene ba Mu bulaile fa Kalvari, Na sweli kulika kupilisa moyo wa bona. Ki siswaniso se si utwisa butuku se Ni kile na bona fateni mwa bupilo bwaka, se ni kile na nahama fateni.

225 Kutimbokiwa! Ki kai kwa Na timbokilwe? Cwale, muteeleze, balikani. Haiba se ha si tabisi! Mube ni siswaniso sateni, ha li keneñi hande mwa lipilu za mina. Mupulusi wa luna, ha Na li fa lifasi, Na kauhanyizwe kwa Naha ya Hae luli. Na hanilwe, Na timbokilwe. Lifasi ne li Mu tombokile ni ku Mu takisa. Mi cwale, kuzwa mwa keleke ya Hae Tota, U lelekilwe. Ha latiwi ni kai ni kai, habana taba ni Yena. Bana ni kopano, ne ba sa Mu tokwi. Bana ni pope, ki sikamañi se ba bata ku Yena hape? Bana ni bishopu yomutuna, mutoneli yomutuna, neba sina tuso ya Moya o Kenile ni hanyinyani. Ne ba sa U tokwi ni kamuta. Kreste, yena Moya o Kenile, neba sa Mu tokwi. Kacwalo bona ki. . .

226 Ha ni lumeli kuli ne ba Mu kashelize fela kwande, kakuli ne ba sa Mu tondi. Ne ba sa Mu tondi, kakuli ne ba sa opela Mu opelela lipina. Mukutazi na sa bulela za Hae, kona kuli ne ba sa Mu tondi. Kono bulifasi bwa bona luli ni kopano ya bona, ku i kongakonga, nebali, “Mazazi a limakazo a felile mi hakuna nto yeswana ni se ni *sani*.”

227 Na mi buza. Ancafazo ifi kaufela yekile ya taha (ifi kaufela, mina baituti ba litaba za kale), cwale, mwahali mo, likeleke zee, ancafazo ifi kaufela yekile ya taha, ki. . . ne i shokomokanga kwa kopano. Mutu kaufela ya kile akalisa ancafazo, na zwa mwa likopano. Mi nako aufela ha—ha ne ikala ancafazo, nebana ni lisupo ni limakazo ni kubulela ka malimi ni lifoliso, ni zeñwi ze cwalo, ze ne ezahala. Mukalisi yani ha na shwa fela, kipeto

ba ongaonga ni ku eza kopano ku yona, mi ya kena hape ma “kushwa” mi Mulimu na si ka zamaya ni yona nikamuta. Yeo luli ki niti.

²²⁸ Mi fa U inzi mwa lusika lwa keleke ya maungulo, u yemi fande a sikwalo, Mulimu Yamata kaufela. Seo—Seo si loba pilu yaka ka kunahana cwalo. Mulena ka ayeme fande a sikwalo sa keleke ya Hae Tota, kasumulaho wa ku lelekiwa ki bulifasi ni kubata kwa kopano ni kusa tokomela kwa yona, u yemi fande a sikwalo, wa ngongota, ulika kukena mwahali. Ha Ni hupuzi cwalo, fa nako nyana yefitile, Na inamela fela fa tafule ni kukala kulila. Na hupula kuli . . .

²²⁹ Ni bile ni nahananga kuli, fani Jesu hana inzi mwa ndu ya Mufarisi wa kale yani kwani, hakuna yana Mu iseza ngana, ha Na inzi ni mahutu a masila. Ne ba si ka Mu katanyeza fa sikwalo ni kutapisa mahutu a Hae ni ku Mu toza, ku pukuta kwateni musitelo ha Na sweli kuzamaya; liapalo za Hae inge li fiyela fafasi, ataha mwa mukwakwa wa kale o nunka wani mo ne ku zamaya limbongolo ni zeñwi, mi—mi munko wa Mu apesa.

²³⁰ Kamita ne ba tapanga kwa mahutu, seo neli sizo. Mi mutapisi wa mahutu na inelanga fa sikwalo. Mi cwale mutu ha kena mwahali, wa mu tapisa kwa mahutu, ni ku mu fumanela manyatela ana mu kwana, mi wa mutinisa. Mi wa mu toza kwa toho mi yena . . . ni ku eza kuli anunke hande, ni kubabulwa kwa lizazi mwa mulala wa hae kwa lizazi, wa mu kamuna milili. Mi wa kena mwahali.

²³¹ Mi kamuhelo ya muenyi, cwale cwana kona mo ba . . . Yema fa ka muzuzu, Pat, Ni bata mo bonisa nto yeñwi. Cwana kona mo ne ba ezezanga, neba amuhelanga cwana. Cwale, Na lumela . . . Batili, sina fa, Na lumela ki nto yeswana sina cwana fa, ku amuhela sina *cwana*, mwabona, ni ku kumbatelana. Mi kipeto u amuhezwi.

²³² Kono Jesu hataha kwa mukiti woo, inge fela mwa Na tahezi kwa mukopano wa Pentekota fa, kuna ni yana Mu tonda. Neba isenga hahulu ngana kwa mikiti ya bona, mabishopu ni babañwi cwalo nebaliteni. Jesu na memilwe kono hakuna ya na Mu tapisize kwa mahutu. Mi Na ikinezi fela mwa lilulu cwalo, ne ba sa zibi mane kuli Uteni, ni mahutu a Hae inza nunka, masila fa mubili wa Hae kaufela, maluli.

²³³ Mi kuna ni lihule la kale mwa mukwakwa lene liile kwani, nana ni fela masheleñi a likani mwa kakwama. Mi atalima kwa ni kwa mi a bona Jesu inza inzi fani ni mahutu a masila. Ne li mu lobile pilu. Musali ali, “Yoo ki yena muuna yana swalezi musali yani libi za hae. Yoo ki yena muuna ye Ni utwile kuli wa folisa. Kiñi ha ba sa Mu tokomeli?”

²³⁴ Kakuli mabishopu ni kaufela bona ne baliteni, ba Mu kasheza fande. Kiyani Uinzi . . . Ba Mu memile kuli atahe.

235 Kona mo lu ezezanga cwalo. Lu Mu memanga kutaha mwa mikopano yaluna, kono cwale ha lutaha lwa Mu swabela. “Oh, Ha ni koni kuyema ni kubulela kuli ‘Kulumbwe Mulena.’ Oh, batili, fani kuinzi bo Jonese, baka nahana kuli ni mupikuluhu ya kenile.” Wena muipi! Yeo ki niti. “Na saba mwendi Ni ka suhana na bulela ka malimi mi ba ka ni bulela kuli ni ‘muuna wa malimi.’” U mwelwa ya botanile!

236 Cwale, mu hupule, se sa kena mwahali, mwa bona. U nyandile, u mwelwa, u mubotana, u mapunu, mi u sibofu, ibo ha uzibi.

237 Jesu uinzi fani ni mahutu a si ka tapa. Mi lihule la mwa mukwakwa, Na mu bona ha zamaya cwalo, halu—halu buleleñi. . . lu mu talimeñi fa muzuzu. Na mu bona ha nza ya kwa sintolo, mi uli, “Ni . . .” Mi miyoko ya kala kububa kwa sifateho sa hae, mi ki hali, “Hani—Hani koni kueza cwalo. Haiba—haiba—haiba Ni isa sibyana se kwani, U ka ziba ko Ni fumani masheleñi aa. Wa ziba mo Ni a fumanezi, kono ki ona e Ni sweli fela.”

238 Ki zona fela Za bata. Ki zona fela Za bata. Mwabona? Haana taba. U tahe fela, “Hakuna ze Ni tisa mwa mahozo aka.”

239 Kacwalo anga oli ni kutaha ni yona. Mi akena mwahali ni kuhupula kuli, “Oh, Ni lakaza fela ku Mu bona!” Mi ki ha akufela mwahali ni kutaha kwa sikwalo sesiñwi.

240 Mi, hakuna, ne ba si ka Mu amuhela. Musalii ki ha inga pongisi ya alabastera ni ku pwaca ni kuibeya. . . kwa mahutu a Hae, mi akala kutapisa mahutu a Hae. Mi akala kulila, “Oh, lina ni kuba Yena. Yani ki Yena ye Ni balile kamita mwa Bibelet. Ni ziba kuli U ka li tokomela.” Mi nto yapili mwa ziba. . . Ki mezi amande cwani kwa mahutu a Hae, miyoko ya kubaka inge i lotela kwa mahutu a Hae. Na sina lisila la ku pukutisa kwa mahutu a Hae, kacwalo aswala fela milili ya hae. Milili yetatani kaufela yanguba fafasi, miyoko inge ibuba mwa meto cwalo. A tapisa mahutu a Hae, mi fa ni fa na sweli ku [Muzwale Branham ueza mulumo wa kutubeta—Mu.] atubeta mahut a Hae, atapisa mahutu a Hae ona cwalo.

241 Jesu ni mahutu atezi masila, mi hakuna yana mu iseza ngana. Mi kacenu Ulwezi libizo le li masila la kuli mupikuluhu ya kenile, kamba nto ye cwalo, mi batu habana habana ni bundume bwa ku Mu yemela.

Sifapahano sa kuipa se Ni ka si lwala,
 Kufitela lifu li ni lukulula,
 Ni ka ya ka nzila ya babanyinyani baba
 kendilwe ba Mulena,
 Ni kalile ka. Jesu, O Mulena, Aku ni zamaise.
 (Ni zamaise, Mulena, hakuna taba kamba
 kuezahala sikamañi.)

242 Ni nani, inge Jakobo, musamo, licwe. Ki shutano mañi yeliteni? Sa ni ezelize!

243 Mi lihule la batu le neli itulezi fani inge, a lila, kubokolola. Mi nto yapili mwa ziba, fa nekuyemi Simoni, mutangana yomutuna yana Mu bizize kuli atahe, ali, “Uhm, uhm, uhm, uhm! Seo sibonisa kuli Ki mupolofita kamba nee, Na ka ziba mufuta wa musali yoo.” Muipi yani!

244 Kona kuli ha sa felize. . . Mi Jesu na si ka shenyisa mahutu a Hae, Na inzi fela inge a mu talimela ni ku mubuha. Oh, Na lata. Ha ki lika zetuna ze luezanga, ki lika zenyinyani ze lu siyanga lisika ezahala linako zeñata. Na mubuh fela, ku mubuha fela inge ainzi fani cwalo. Hakuna yana Mu iseza ngana; kwa mafelelezo, musali mwahali mwani inge a lila ni kutapisa mahutu a Hae, ki yena yana mu tokomela fela, ahoha kutwisiso ya sicaba. Kono Yena a mu talima fela, na si ka bulela linzwi.

245 Simoni muuna muhulu na yemi kwa mulaho kwani, ali, “Uhm! Muka bona haiba Ki mupolofita kamba nee, nji cwani? Ni mi bulelezi! Ni mi bulelezi! Kambe Na li mupolofita, Na ka ziba kuli musali yo u cwani. Mwa bona, ki luna keleke yetuna kwanu, mwa bona, lwa ziba, cwalo. Lu ziba kuli ha ki mupolofita, Na ka ziba.”

246 Kasamulaho amano. . . Ha sa felize, miyoko yani ya kubaka inge i shulumuka kwa sifateho sa hae, ya tapisa mahutu a Jesu. Yena. . . Na lumela Na ikutwile ku katuluha.

247 O Mulimu, Ni tabela kuli kambe ne ni kabateni kwani! Ne ni ka atapisa hape. Eeni, sha.

248 Mushimani, kikuli mama yani na si ke kuba ni nako yetata kupukuta mahutu ka milili ya hae kacenu? Na lukela kuyema ka toho kuli aeze cwalo, kuli abe ni milili yemiñata fa kupukuta. Eeni, sha, ku ikuta kaufela yona.

249 Kono kwani, mahutu a Jesu, hakuna mutu yana tokomela. . . (twaniso), ali kuina inza shwaulwa, munko wani kwa mahutu a Hae. Musali na Mu tapisize. Ha Na sa felize—ha Na sa felize, A mutalima sina ya mu bulelela kuli, “Ku lukile.”

250 Amu talimela, ali, “Simoni, Nina ni sa ku kubulelela. U Ni memile kwanu, mi ha u si ka Ni mbatoka mwa munyako. Ha u si ka Ni fa mezi a kutapisa mahutu Aka. Ha u si ka Ni sela oli kwa toho ha Ni keni mwahali, ku zwise situkutuku ku Na. Ha u si ka Ni tubeta ha Ni keni mwahali. Kono musali wa mubotana yoo,” (Oh, mawi.) “muzwahule yoo, lihule la mwa mukwakwa, nasina mezi a ku tapisa mahutu Aka kono u a tapisize ka miyoko ya hae. Nasina sa ku pukutisa ka sona, kacwalo ungile milili ya hae, ni ku pukutisa. U sweli kutubeta mahutu Aka ka tundamo. Cwale Ni bata ku ku bulelela kuli: libi za hae, zeneli zeñata, li swalezwi.” Yeo ki niti, na si ka bulela sika ka sona. “Libi za hao, zeneli zeñata, li swalezwi.”

251 Mi kacenu foo Jesu, inza yemi fande a sikwalo sa likopano za Pentekota, likopano za Baptist, Likopano za Methodist, li lika kukena mwa pentekota hape, mi sicaba sa Mu fitelela fela. Ha se

u. . . bulifasi bwa mina ni lika ze Mu kashelize kwande a keleke, U yemi, wa lika, ulilela kukena mwahali hape. Mi, oh, ki nto yeutwisa hahulu makeke ye Ni kile nabona fateni mwa bupilo. Neba sina taba ni Yena! Yena, nali kwande, inza ngongota, alika kukena mwahali. Yeo ki nto yeswana Ya sweli kulika kuezwa. Kiñi? Kiñi? Na li kwande.

252 Ne ba si ka Mu kasheza fande. Ne ba sa opela za Hae, neba kutaza ka za Hae, kono ne ba si ka Mu tonda mwahala bona. Yeo ki niti. Nebazwelapili ona cwalo. Kiñi? Neba bonela fakaufi. Ne ba talimela fa muyaho wabona o mutuna. Nebali bafumi. Ne ba talimela fa kopano yetuna kone ba fumaneha, yene ba lika kuyaha, kuba ni mamembala babañata kuli bakene mwateni, mi ne ba si ka Mu tonda. Batili, batili. Ne ba si ka tonda za kubulela ka malimi. Ne ba si ka tonda amatuna, mañusa amata hahulu azwa ku Mulimu A pumaka kuyo punya ni kwa pilu ni likezahalo za pilu, kupazaula lika za lifasi ni ku icakelela inge mukuñu wa mbonyi. Oh, bana. . .

253 Haiba no ka kutaza cwalo mwa keleke ya bona, nebaka ku lahela fande. Mi kona Moya o Kenile mo kutalezanga. Jesu naize, “Mina lusika lwa libili! Mina—mina linoha mwa bucwani!” Mi Joani na ezize, ni yena, baana babatuna baba tozizwe, kamita ne ba buhiwa matalo. Yeo ki niti.

254 Kono ne ba si ka Mu tonda, kakuli neba sina Sani. Mwabona? Kacwalo nebana ni sesiñwi sene si ba omba omba fa mukokoto, mi bali, “U kene fela, u beye libizo la hao fa, mi—mi lu ka amuhela bu membala bwa hao. Mi unge pampili ya hao kwa keleke yeñwi mi lu ka ku amuhela, mi—mi ni zecwalo. Cwale, tifo ya hao ikaba yecwani ka mwaha?” Mwa bona, kona cwalo, “Kufuma, hakuna ze ni tokwile.” Oh! Kono utokwile nto yetuna hahulu mi hauna Yona, Jesu na yemi fande inza lika ku kutela mwahali ni pentekota.

255 Ki sikamañi so nahana se si kona kuezahala busihu boo mwa keleke ya Methodist haiba Moya o Kenile no ka wela fa keleke mi ba kale kuhuwaka, kutulaka, kubulela ka malimi ni kuezwa inge baba kozwi. . . sikwata sa macakolwa? Kiñi, mu—mu Mukopano no ka nepela keleke ya Methodist kwande a Mukopano. Mwa ziba cwalo. Ki sikamañi sene si ka ezahala kwa keleke ya Baptist zeo ha ne li ka ezahala? Kinto yeswana. Mapentekota? Kiñi, kuna ni babañata ba bona, ne ku ezahalile zeswana. Luli. Eeni, sha, nebasike ba yemela za bukuba zeo. Ne ba kali, “Kiñi, mane ba sinyize miseme yaluna yeminca.” Uh-hum, luli. Mawi! Mawi! Ha ki sicaba se si nyandile seo. Yeo ki niti.

256 Kihande, ku lukile, Na li ni bona, Na zamaile ni bona mwahala likandela ze sebene. Mi ki ye fa kalabo: likopano ni lika za zona za lifasi, ma bishopu ba bona, baika, mi bulifasi bwa bona kaufela, ne bu Mu kashelize fande mi ba Mu tonda. Mi keleke. . .

257 Cwale, lu ka eza sikamañi kuli lu Mu kenise mwahali? Haiba U fande a keleke ya Pentekota cwale, ki sikamañi se lu ka eza kuli lu Mu kenye mwahali? Kana si ka nga keto ya silundwamanji sa batu kuli ba Mutise mwahali? Kana si ka nga kuketa kwa popu yomunca, muika yomunca? Kamba mwendi si ka nga—sika—sika zusususa kopano yenca. Zeo halina kunga sibaka! Zeo halina kueza cwalo. Kopano yenca haina kueza cwalo, ki yenca—yo—yo—yo—yo—munca muika haana kueza cwalo, mulisana yomunca haana kuli eza, mubuleli ya hola mali amañata haana kueza cwalo. Hakuna sika se sikona kuezahala konji wena kasibili. Lu Mu kenya cwani mwahali? Ha ki ka keto. Batili, sha. Ha lu keti Jesu ku mukenya mwahali, kakuli Haana kutaha mwateni ka mukwa o cwalo.

258 Fa ki—fa ki ye, “Haiba mutu autwa Linzwi la Ka mi akwalula sikwalo.” Cwale, lwa ziba kuli sikwalo ki sikamañi cwale. “Haiba mutu a kwalula sikwalo, autwa Linzwi la Ka.”

259 Isiñi—isiñi “Haiba keleke ifi kaufela. . . Haiba kopano ifi kaufela. . .” Batili, sha. Ha sebelisani ni zona, li shwile mi li icongile ka kukala. U li toile, Yena kamita ubile a litoya. Na bulezi kuli Na li toile! Mi U sa li toile ni busihu boo!

260 “Kono haiba mutu kaufela,” muuna kaufela wa Methodist, muuna kaufela wa Baptist, muuna kaufela wa Presbyterian, kamba muuna kaufela wa Katolika, muuna ufi kaufela wa Church of God, muuna wa Nazarene, muuna wa Pentekota. “Mutu kaufela ya utwa Linzwi la Ka mi akwalula sikwalo, Ni ka kena ku yena ni ce ni yena ni yena ace ni Na.” Leo kona liñusa kwa keleke ya Pentekota. Ha ki kulika ku ncaafaza katengo ka ba Pentekota, kono ki kuncaafaza Mbuyoti ya Pentekota mwa pilu ya mutu. Yeo kona nzila fela inosi. “Mi Ni ka ca ni yena, mi yena, ni Na.”

261 Ki sikamañi sa eza mulumiwa kwa keleke. . . liñusa kwa keleke li lu luta cwale, la luluta—la luluta? Ha ki kuhula mwa Moya. Batili, sha. Ki ku koka mwa Moya, luna ni ku koka ka nako kaufela. Mufuta. . . Ki—ki balumiwa kwa keleke ni liñusa kwa lusika lwa keleke lufi kaufela lene li nyazize buino bwa likopano. Liñusa lifi kaufela kwa keleke, keleke, keleke ne i zamaya iwa kamita mi ne i sa tokomeli za Lona. Ki—ki liñusa kwa keleke ku sa iseza ngana kwa likopano. Mi za zwakanisa Bakreste, mo ba bizezwa cwalo, yeo ki niti, ba ba sina ze ba ziba ka za Mulimu kamba Moya o Kenile. Yeo ki niti sina ha Ni yemi fa katala fa busihu boo. Ma membala baba enya fela, balukela fela ku taziwa mwa mulomo wa Hae.

262 Paulusi na lemusize, Bamacaba ki mutai. Cwale, Ni bata babañwi ba mina, haiba mwa lata, mu apule mwa Maroma, kauhanyo ya 11, timana yabu 15 ni 27, kuli fela mu i ñole, mina kaufela. Mi cwale, kakuba kuli se kuliyehile, Ni ka bulela fela se ku mina lu si ka zwa kale, kakuli ki. . . Cwale, Maroma, haiba

mubata ku iñola, 11:15 kuya fa twenti- . . . fa 27. Paulusi na ba bulelezi, kubulela, kuambola ku Bamacaba kwani, ba Maroma, na ize, “Haiba Mulimu . . .” Cwale, muteezeze ka tokomelo halunze lukwala masika a likeleke! Pauusi naize, “Haiba . . . Mulimu na si ka siya kota ya makalelo ya olive, kono a i lema kwateni ka ku sa lumela.”

263 Kana ku cwalo? Ki sikamañi sene si tisize kuli ba lemiwe kwateni? Kakuli neba hanile pentekota. Kana ku cwalo? Ka Lizazi la Pentekota ba seha ni kubona bukuba Moya o Kenile.

264 Jesu hanali fa lifasi mubu fa, Na ize . . . Ba biza—ba Mu biza, “Baalezububi,” bali “Na li diabulosi,” mi “Ki mulauli,” ni zeo kaufela.

265 Na ize, “Na mi swalela ka zeo, kono cwale Moya o Kenile ha u so tile musike mwa bulela ka ku U lwanisa; kakuli ha u bulela ka ku U lwanisa, hauna ku swalelwa.”

266 Mi muhupule kuli Jesu hana luma balutiwa ba Hae naize, “Musike mwa ya ku Bamacaba.” Kana ku cwalo? “Kono fela muye kwa lingu ze latehile za Isilaele.”

267 Ne ba ipile cwani mulatu? Ka kunyefula Moya o Kenile, kubiza Moya wa Mulimu “nto ye masila.” Ba Mu eza ka lishano hane ba binela mwa Moya, ni zeñwi cwalo, ka Lizazi la Pentekota. Ona muleneñi o swana wani, neba U boni bukuba, Tite na ba bulaezi ona kwani mi mali a bona a poomoka mwa munyako wa munzi. Ba ca bana ba bona, ni lika kaufela, mwa lusika lo lu swana lwani. Mi yeo ki niti. Iliñwi ya linaha zetuna za lifasi yaba yenyinyani hahulu, ni kuhasanela kwa si- . . . mioya yemine ya lifasi. Kakuli kiñi? Kusalumela! Mi sani ne li sisindimwa sa makalelo, kota ya makalelo, Isilaele.

268 Mi hanili Paulusi wa bulela fani? Kimañi yana ni Liñolo leo koo? Uli fuman, Pat? Yema u bale kukalela fa timana ya 15 kuisa kuya 27.

[Muzwale Pat wa bala: *Kakuli ku hanwa kwa bona ha ku file lifasi ku kutisezwa, ku amuhelwa kwa bona ikaba nto yecwani—yecwani ba, haisi bupilo bo buzwa kwa bafu?*—Mu.]

[*Kakuli mutamu wa lico haiba u kenile, lico mwa buñata bwa zona li kenile: kamukwa o cwalo nonge ha ikenile, mitai ni yona ikenile.*]

[*Mitai yemiñwi ha ilemilwe, mi wena, ya nali kota ya olive ya mwa naheñi, u beilwe mwa sibaka sa yona, mi ufilwe kupila ka nonge ni ka mezi a kota ya olive ya mwahae;*]

[*Fo usike wa i kuumuseza mitai yeo. Kono ni ha u i kuumusa, uhupule kuli ha si wena ya tiisa nonge, kono nonge ki yona ye kutiisa.*]

[Mwendi u kali, Mitai i lemilwe, kuli Ni beiwe mwa sibaka sa yona.]

[Kihona; i lemilwe ka mulatu wa kusa lumela kwa bona, . . .—Mu.]

Amuteezeze, “Kusalumela!” Ku lukile, zwelapili.

[. . . mi wena u yemi ka tumelo ya hao. Usike wa ipona butuna, kono u sabe:—Mu.]

[Kakuli Mulimu hatokwile ku utwela mitai luli ya kota ya mwahae butuku, ni wena hana ku ku utwela butuku.]

[Kifohe u lemuhe sishemo sa Mulimu ni tata ya hae: ku ba ba wile, tata; kono ku wena, bunde, haiba u tundamena mwa sishemo sa hae: hakusi cwalo ni wena hape u ka lemwa.]

[Mi ni bona ha ba sa haneleli mwa ku sa lumela kwa bona, ba ka beiwa fa kota ya mwahae: kakuli Mulimu una ni mata aku ba beya.]

[Kakuli wena yangilwe kwa kota ya olive yeli ya mwa naheñi ka taho, mi u beilwe kwa kota ya mwahae ka mukwa wo isi wa taho: hanili bona ba, taho ba ka beiwa hahulu ni kufita fa kota, ya olive yeli ya bona luli?] Hmm.

[Kakuli Hani lati, banabahesu, ha mutokwa ni ku ziba taba ye patilwe yeo, kuli musike mwaipona butali; ki kuli kutatafala kutahezi Maisilaele, kufitela Macaba kaufela a bahedeni ha sa kenì.]

[Mi fo Maisilaele ba ka piliswa: sina ha ku ñozwi kuli, Ku ka zwa Muliululi mwa Sione, kuli afeze kunyefula kwa Jakobo:]

[Ki bona bulikani bo ni ka i swala ni bona, nako ye Ni ka zwisa libi za bona.]

269 Kana mu I utwile? Paulusi naize, “Haiba Isilaele na ka bona lisupo fa za Moya o Kenile, mi a lemwa kwateni . . .” Muhupule, kakuli neba hanile liñusa la Paulusi (kolobezo ya Libizo la Jesu, kubaka ni kolobezo ka Libizo la Jesu, lisupo ni ze komokisa inge li latelela mulumeli), mi ba Li hana. Mi se bali:

. . . amubone, lu sikuluhela ku Bamacaba.

270 Kana ku cwalo? Ha lu boneñi, Ni lumela kuli neli kwa . . . kone ba bizwa kuli Bakreste ka nako yapili, neli kwa Efese, Ku lukile, Antioke.

271 Cwale—cwale, haiba—haiba kota yapili ne i kenile, mitai ya yona i kenile, ili kota ya makalelo, mi kakuli ne ba si ka lumela Liñusa la Pentekota la na kutaza Paulusi (Kana ku cwalo?), Mulimu na ba lemile kwateni ni kunga kota ya mwa naheñi ya olive (bene bali Bamacaba, luna) ni ku lu comeka mwateñi kuli lukone kupila ka mut- . . . mezi ni mununo wa kota yani.

272 Cwale, ku ka kuma kai mwa lizazi le ha lu sweli kuhana Liñusa la Pentekota le lithahile cwalo mwa masika a likeleke, kana Mulimu una ni mata amatuna cwani ni kufita akunga kota ya mwa naheñi yani ku yona, niteñi, ni kutuhela yeñwi ku kena mwateni? Kakuli u ka I hana, bakeñisa kusalumela. Cwale mutamahanye seo ni tuto ye kakusasana cwana. Mwa ziba fo lu yemi cwale, nji cwani? Lu kwa nako ya maungulo kuli ku ngiwe Keleke ya Munyaliwa, mwa Kuungelwa kwa Yona; ni ku shetumukela teñi kwa Moya o Kenile kuli utahe kwa Majuda, mi Jesu kuli aitibahaze ili Yena, kuli aswaye baba handeleti ni fotefoo sauzande. Ki fo he cwale. Ku kutisa hape kota ya makalelo (kukutela kwa Mbuyoti) kutaha mwa Isilaele hape.

273 Jesu hana kuyema kwande a sikwalosa hao mi wa ngongota ka nako kaufela. Kuna ni nako Ha ka ba ni kuikela, mi kona uka ngongota kono uka palelwa ku Mu fumana. Utahe ha kusana ni nako. Utahe ha kuna ni ya ngongota. Usike wa keshebisa ka sika kaufela kwanda kolobezo ya Moya o Kenile sina yene ba amuhezi kwa Pentekota, ni mufuta o swana wa kolobezo ya mezi, lika zeswana ze ne ba ezize kwani. Usike wa lumeleza sika kukena mwa pilu ya hao kwanda seo.

274 Cwale, ku mina balikani baka ba Katolika, haluboneñi ni mi bulelele nto yeñwi, mu lumela ku mwalanjo Maria. Mwalanjo Maria, ka kuba mahe Jesu Krete, na i lo kena mwa Pentekota ni kutazwa ka Moya o Kenile, mi aeza inge mutu ya kozwi. Na li mwahala baba mianda yemibeli ni mashumi amabeli, a amuhela kolobezo ya Moya o Kenile, abulela ka malimi ni kueza inge musali ya kozwi kwani, mwatasa Moya wa Mulimu. Mi haiba mwalanjo Maria na ezize cwalo kuli akene mwa Kanya, mu ka yo kena cwani ku Ona, sesiñwi se si mwatasi a sani? Mu nahane fateni. Ku lukile.

275 Ba Baptist... Yani mukutazi waba Baptist kwa mulaho kwanu ka kubona kuli li bulelwa hande ku ba Baptist hape. Zeo ki za mutu ufi kaufela, hakuna taba kamba ki mañi.

276 Kona kuli kuikopanya fela kwa keleke ni kupeta tumelo ya manzwi, ni kuya kwa keleke kakusasana la Sunda ni sunda, hakuna ku kueza yomunde ni hanyinyani. Foo u sheununa fela Mulimu. Mbweshu ube Mukreste wa niti kamba usike waba sika kaufela ni hanyinyani. Ube ya cisa kamba ya bata. Ube kwande... Kakuli haukoni kuba... Ha mu si ka bona kale fateni nyunywani yensu yesweu, hamusika bona kale mutu ya kozwi hape ya kololokwile nako yeswana, hamusika bona kale muhalalehi wa muezalibi. Batili, mwa li kuba, habayo baba cwalo. Ukana waba ya tezi ka Moya o Kenile ni Mulimu inza pila ku wena, kamba ha u cwalo ni hanyinyani. Uya—uya cwalo kamba nee.

277 Kacwalo he u swanela—u swanela kuhupula kuli Jesu uyemi fa munyako wa hao, mi u hupule sepiso ya Mulimu fa kuli U

kaba cwalo mwa mazazi a maungulo aa. Bakeñisa sikamañi? Kuhaniwa. Ki sikamañi sene si tiselize Isilaele ku lemwa, kwa kota ya makalelo? Kakuli ne ba hanile Liñusa la Pentekota la Paulusi. Mi kana mwa lumela kuli lo kona lusika lwa keleke ya mafelelezo? Bibebele ibulezi cwalo! Mi luli ki sikamañi se si ka ezahala ku bona? Ba ka lemwa kwateni ka kuhana Liñusa la Pentekota, mi kipeto Mulimu u ka kutela hape kwa Majuda.

²⁷⁸ Mi Isilaele kaufela he i ka piliswa, kakuli U ka banga sina naha, isiñi sina mutu ka buyena. Kono ku mina ni Na ki mutu ka buyena, kakuli U tile kwa Majuda. . . Likezo, mwa Buka ya Likezo, Na tile ku Bamacaba ku to nga “sicaba se si zwile mwahala Bamacaba kubizezwa Libizo la Hae,” Munyaliwa wa Hae. “Ki sicaba,” alimuñwi kwanu, alimuñwi kwani, alimuñwi kwanu, mi U talimana ni luna ka mutu anosi, mi hakuna taba ka mushobo, tumelo, kamba mubala. U talimana ni luna ka mutu anosi, ki musebezi wa Hae kuli Uka beya fa aletare ya Hae. Kono haili Majuda, Na talimananga ni Isilaele kakuba naha, bona ki naha ya sicaba, naha ya Hae.

²⁷⁹ Ni tabile busihu boo kuli luna ni Liñusa lee. Mi Ni tabile hahulu kuli mu tile, mikubateni kwa mina ki nto ye ni itumezi hahulu. Ni itumezi ku Mulimu Yamata kaufela Yena ha ni lumelelize kubona se Ni boni, ni kutusa keleke ye, mane kuli se Li zwile mwa pilu yaka cwale. Fa nako yetelele Moya o Kenile no li mwa pilu yaka, Ne ni palelwa ku U zwisa kuna, Ne nina ni ku zamaya fela ni Ona.

Kuna ni lika zepeli ze Ni ikutwile kuetelwa kueza.

²⁸⁰ Kuya kwa Shreveport, Louisiana, kwa mukopano ni Muzwale Moore. Mi musala ka yainezi fani wa kona ku mi bulelela. Ka lisunda sunda Ni likile kulila, “Ni bata kuya kwa Shreveport. *Kiñi?*” Mi mutu kaufela ya na liteni kwa Shreveport wa ziba *libaka* cwale. Ne ba si ka bona kamba kuutwa sika kaufela sina sona. Bakutazi ne ba sehana kuzwa kai ni kai, ba Baptist ni mifuta kaufela. Muuna yomuñwi na kalile, abeya lizoho la hae fa kapongisi kaka bata, mi Moya o Kenile wa taha fahalimwa hae ni kubulela kuli, “Kuya kwa Shreveport, Louisiana, u ka yo bulelelwa teñi za kueza.” Amu bulelela libizo la ka ni kwa kufumana . . . Ali, “U ka ku bulelela sa kueza.”

²⁸¹ Se nili, “Siliba si kwaluhile fafasi a mahatelo. U tokwa kolobezo ya Moya o Kenile.” Mi kuna . . .

²⁸² Kacwalo lika ze cwalo, sicaba sa bulela, mi—mi sipolofita ni lika za kunuha ze ne ezahalile kwani mwahala luna.

²⁸³ Mi se Nili, “Ni lukela kuya kwa Jeffersonville ni kuñola buka, kakuli Ha ni zibi butelele bo Ni ka ba kwanu. Kono haiba Ni bulela Se mi izwelapili ku ñolwa, kasamulaho Ni ma no timela Manzwi a akana apila.” Ni na ni litaba za kale zeñozwi ze ka beiwa mwa buka. Mi Ni tile kwanu ku to li tisa fapila keleke ku to fumana susumezo ya Moya o Kenile, kakuli Ne ni sa zibi lika

ze na kasibili. Yeo ki niti. Zeo ki ka Libizo la Mulena, yeo ki niti, “Ne ni si ka li ziba.”

284 Cwale Ni ikutwa kutamuluha, Ni ikutwa kuli Mulimu u lutiselize Liñusa. Ni lumela kuli lu kwa mafelelezo a nzila, Ni lumela kuli hola ifitile ya ku bonahala kwa Mulimu kuli azibahale mwahala luna. Mi Ha ni zibi kuli ku kanga nako yetelele cwani, kono hola i sutelezi seli fakaufi.

285 Lu ka libelela yomutuna yani kuli atahe. Wakona kutaha mwa liazi la ka, wakona kutaha mwa lizazi le li nyinyani, Ha ni zibi. Wakona kutaha mwahala luna cwale, halukoni ku ziba. Moya o Kenile uteni kuli u lu zamaise kufitela nako yeo, mi cwale muzamaisi yo ha ka lu isa kwabuse ukabe a tozizwe ka Moya o Kenile; yo—yo Elia ukaba, eeni sha, yaka taha. Kono ukaba mueteleli ya ka sikulula lipilu za bana, kamba, lipilu za bana kukutela kwa Liñusa la Ndate, kukutela kwa Liñusa la Ndata luna wa Lihalimu ka Lizazi la Pentekota Ha sulula Moya wa Hae.

286 Ili ona mundandwe muhala o musisani wani, Ne ni itisize fakaufi mo ne Ni konezi fela ka litaba za kale za Bible, ni kubonisa kuli taba yani itile hande mwahala masika a likeleke, mi zeo ki zona kacenu, li bonisize kuli likopano ki sikuto fapila Mulimu. Ni sepa kuli zeo li utwahalile mwa minahano ya mina, ka Bible, ka likezo za baapositola, ka litaba za kale ni zeñwi kaufela. Zeo. . .

287 Mi hakuna nahaiba nako yekana foo Mulimu akile a ongaonga Keleke ya Hae. Mahe wa likeleke ze ongaongilwe ki mundandwe wa litulo za Roman Catholic. Keleke ya Roman Catholic ki yena mahe wa likopano. Mi ka nako fela yeo ancafazo imano kena mwa sikwata sa Baipanguli, bakutela mwateni hape mi ba eza lika ze swana. Mi Bible ibulezi kuli, “Na li musali wa lihule. Mi yena, nana ni bana ba basizana ili likeleke ze tahile ka yena.” Neina ni kuba basali, kuli ba be mahule. Ki yoo foo. Kaewalo lu inzi. . .

288 Kono Na bulezi hape kuli, “Musi sabi, mutapi o likani, ki tato ya Ndata mina kuli amife Mubuso.” Kona kuli kaufela luna, ka zazi lani, mina ba Methodist, ba Baptist, kaufela seo muli sona, “Kaufela ya ka kwalula sikwalo, Ni ka kena ku yena ni ce ni yena.”

289 Ha lu baliweñi, mizwale ba ka, likezeli za ka, ha lu baliweñi kuba mutapi olikani wani ka zazi lani. Ha lubeñi siemba sa mutapi nyana wani o ka libelela ka nako Ya taha, Ha taha ku u nga kuya mwabuse bwa lifasi. Kakuli—kakuli Kuungelwa ku kaba kwa silundwamanji. “Ku kaba bababeli mwa mumbeta, Ni ka shimba alimuñwi; bababeli mwa simu, mi Ni ka nga alimuñwi.” Kubonisa kuli i kaba busihu kwa neku leliñwi la lifasi ni musihali ku leliñwi, mwabona. Kacwalo, ki, “Bababeli

ba kaba mwa mumbeta, bababeli ba kaba mwa simu,” mwabona, “Ni ka shimba alimuñwi ku bona.”

290 Mi sina ha Ni bulezi kakusasana cwana, u ka ba mwa mukwakwa leliñwi la mazazi aa, inge u ambola ni bo maho, mi u ka talima kwa ni kwa, bakabe baile. Mu ka yo ina fa tafule, inge munwa kofi ya—ya mina kamba kuicela mukushuko wa mina, kamba—kamba nto yeñwi, mi taba yapili mwa ziba, mu ka yo talima kwa ni kwa mi bo ndataho habana kuba kwateni. Yeo luli ki niti. Ya taha, mi ha lu zibi kuli ikaba nako mañi. Kono nto yatani ki kuli, ha se ku felile kipeto kufelile, mi kihona hakuna zeñwi zokona kueza ka zona. Mu li, “Ni utwile zeo fa nako yetelele.” Kono u ka yo liutwa ka nako ya mafelelezo. Yeo ki niti. Li ka ezahala kakuli Ki Linzwi la Mulena. Mi, muhupule, kana Li kile la palelwa fateni mwahala masihu a eiti a e Ni bile ni kutaza? Kono sa—sa bulela Jesu fa, si ti lo ezahala, mi mane lusika lwa keleke ni keleke luezize zeswana.

291 Mi lu bona lusika lwa keleke ye ku yona, mi ka yona hola yateñi luli. Nihaiba kakusasana cwana, ka kuswanisisa balanjo, yona nako luli ya kulobala kwa mwalanjo. . . Cwale, muhupule, Bibele ibulezi kuli mwalanjo ya lobezi. . . mukosi ha u lila, “Amubone, Munyali wa taha,” kutaha kwa Mulena, ku kutazwa kwa Linzwi. Mi cwale ki sikamañi se si ezahalile? “Nako i fa kaufi, lindalamiti za atomic ni lika kaufela li itukisize,” bakutazi ba matamata mwa mikwakwa ni ku kala kuhuweleza Liñusa.

292 Mi haibile fela baeza cwalo, keleke yetuna he, mwalanjo ya lobezi, ali, “Ah, kihande, lubile ba Presbyterian fa nako yetelele, mwendi lu ka bala ni kufumana libaka. Eeni, mwa ziba, Na lumela kuli lu tokwa Moya o Kenile.” Mi basweli kuñola libuka ni lika kaufela ka Zona cwale, ka kukala. Mi ba bulela kuli, “Kana uka lufa zeñwi za Zona?”

Mi se bali, “Batili, luna ni fela ze lu likani za luna kihona.”

293 Kona kuli ha ba ya kwa kuamuhela Moya o Kenile, ba yo lapela, sina likeleke, likeleke zetuna zende za yonga kacenu, likopano. Hane baile kwa kunga Oli, Munyali a kena. Kacwalo basweli kulika ku U amuhela cwale, likeleke zetuna, likopano, mikopano yemituna ya kwabuse bwa linaha ka Ona mwa—mwa likeleke ze ongaongilwe, bali, “Luna ni ku kutela kwa Mbuyoti ya Pentekota. Luna ni kuba ni bafolisi ba bulapeli mwa keleke. Luna ni kuba ni babuleli ba malimi. Luna ni kuba ni batoloki ba malimi. Luna ni kuba ni limpo za moya mwa keleke ya luna, mi lu ka swanela fela kukalisa mikopano ni kukala kueza cwalo.” Ba sweli kuba ni tutengo, to tu kalisa kueza cwalo. Ha se baile kwa kueza cwalo, ki ka yona nako yeo foo Munyali ataha mi bana ni babana ni Oli mwa lilambi za bona, mi ba ikela.

294 Mi ba taha, cwale kwa ezahala sikamañi? Ne ba nepezwi kwa lififi la kwande (ki nako ya Nyandiso Yetuna) ko kukaba

lililo ni kulila ni likwecameno, ka nako yeo Munyaliwa inza mwa Lihalimu. Oh, mawi!

²⁹⁵ Mi kwa mafelelezo a myaha ye milalu ni licika yani, U kataha sina Josefa mwa na ezelize ha i tibahaze ili Yena kwa mizwale ba Habo. Ku kaba ni kulila kai ni kai, mi ba kali . . . Ba ka kauhanya mabasi a bona, ni kulila mi—mi bali, “Ki kai ko U fumani mañiba ao?” Mi—mi ba mu taba . . . bona bene ba Mu tabile ba ka Mu bona, mi U ka Itibahaza kwa bana ba Habo.

²⁹⁶ Cwale U lika ku Itibahaza kwa Keleke ya Hae, mi ba Mu kashelize fande. Mi U sa yemi, wa ngongota, uli, “Kana ku sa na ni alimuñwi hape? Alimuñwi ya ka kwalula ni ku Ni lumeleza kutaha mwahali ni ambole ni wena?”

²⁹⁷ Oh, Ni tabile, ni tumezi hahulu ka za . . . myaha yemiñata kwa mulaho, mwendi ki myaha ye mashumi amabeli ni ye eiti kwa mulaho, Na utwa kungongota kwani mwa pilu yaka. Mi Na . . . A kena mwahali, Ni bile ni ca ni Yena mi Yena ni na kuzwelela ona fani. Mi Na amuhela Mbuyoti ya Pentekota, na amuhela Moya o Kenile.

²⁹⁸ Na kolobezwa ka Libizo la Jesu Kreste kwa swalelo ya libi za ka, nako inosi fela Ha ni kile na kolobezwa fateni mwa bupilo bwaka, hañwi. Ha ne Ni sa li fela mushimani yomunyinyani, hakuna mutu yana ni bulelezi kuli nekuna ni Balimu babalalu. Batili, zeo nemusike ku kona ku ni cakeleza zona mwa mulala. Hamukoni kulifa ku mutu ya ziba kaufela . . . ya ziba kuli Mulimu uteni. Yeo ki niti. Kona kuli ha Ni kolobezwa . . . mukutazi wa Baptist a ni kolobeza. Se nili, “Ni bata ku kolobezwa ka Libizo la Mulena Jesu Kreste.” Dr. Roy E. Davis ani kolobeza ka Libizo la Mulena Jesu Kreste inge Ni sa li fela mushimani. Mwabona? Yeo ki niti. Kacwalo Na—Na lumela cwalo, Ni pilile ni yona, mi Ni ziba kuli ki Niti. Ki Linzwi la Kuyakuile la Mulimu. Yeo ki niti. Yeo ki niti.

Ni tabile hahulu kuli Ni kona kubulela kuli Ni alimuñwi wa bona.

Ni alimuñwi wa bona, alimuñwi wa bona,
Ni tabile hahulu kuli Ni kona kubulela kuli Ni alimuñwi wa bona;

Ni alimuñwi wa bona, alimuñwi wa bona,
Ni tabile hahulu kuli Ni kona kubulela kuli Ni alimuñwi wa bona.

Batu ba ni haba si ka i tuta,
Kamba kuihumusa ka libubo la lifasi,
Kaumukana bona ba amuhezi Pentekota ya bona,

Ba kolobelizwe ka Libizo la Jesu;
Mi ba kandeka cwale, fa kau fi ni kwahule,
Mata a hae ki a swana,
Ni alimuñwi wa bona, alimuñwi wa . . .

299 Kana mu tabile? Haiba mu tabile, amu nanule mazoho.

Alimuñwi wa bona, alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona;

(U sa ba fela wa Hae ukaba fahalimwa sibi kaufela, ka Libizo la Jesu Kreste.)

Taha, muzwale waka, ubate mbuyoti yee
Ye ka kenisa pilu ya hao kwa sibi,
Ye ka kalisa kuliza milangu ya tabo
Ni kubeya moyo wa hao fa mulilo;
Oh, wa tuka cwale mwa pilu yaka,
Oh, kanya kwa libizo la Hae,
Mi Ni tabile hahulu kuli Ni kona kubulela kuli
Ni alimuñwi wa bona.

Oh, alimuñwi wa bona, alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona, Haleluya;
Alimuñwi wa bona, alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona.

Ne ba kopanezi mwa ndu ya fahalimu,
Kaufela inge ba lapela ka libizo la Hae,
Ba kolobezwa ka Moya o Kenile,
Mane mata a sebelezo ataha;
Cwale sa Na ba ezelize ka lizazi lani
U ka ku ezeza zeswana ni wena,
Ni tabile hahulu kuli Ni kona kubulela . . .

300 Cwale ha lu swalaneni mwa mazoho, kwa mulaho, ni kwa matuko.

Alimuñwi wa bona, alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona;
Alimuñwi wa bona, alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona.

Oh, alimuñwi wa bona, alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona;
Alimuñwi wa bona, alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona.

Alimuñwi wa bona, alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona;

Alimuñwi wa bona, alimuñwi wa bona,
Ni tabile hahulu kuli Ni kona kubulela kuli Ni
alimuñwi wa bona.

Kikuli ha mu si ka taba kakuba alimuñwi wa bona? [Kopano i alaba kuli, “Eeni! Amen! Haleluya!”—Mu.] Na lata cwalo. Sikwata se si lilata.

³⁰¹ Shh! Shh! [Muzwale ubulela ka lulimi lusili. Muzwale ufa toloko—Mu.] Mo lu itumela ku Wena, Ndate, ka bunde bwa Hao ni sishemo ku luna, baba sa swaneli. Ka kunahana kuli No ka tiiseza Liñusa la Hao cwale, Mulena, no sepisize sicaba. Na lapela, Mulimu, kuli sishemo sa Hao si ine ku bona.

³⁰² Haiba kuna ni alimuñwi mo ya sa Mu zibi kakuba Mupulusi, mu lukelaku Mu fumana ona fa cwale mwa lipilu za mina kuba Mupulusi, mu yeme cwale halunze lu mi lapelela? Na bulezi kuli U ka . . . eza Liñusa le kwani mi Na bata kupaka Linzwi la Hae ku mina. Haiba kuna ni babañwi mo baba sa Mu zibi mi ha mu si ka amuhela kale Moya wa Hae, Wa ambola ku mina.

³⁰³ Ku lukile, ki yani kwa mulaho kwani. Kana uka yema fela, muzwale? [Muzwale mwa puteho kopano wa bulela—Mu.] U bata ku kolobezwa ka Moya o Kenile, kana ki cwalo, muzwale? Mulimu aku fuyole. Yema ona foinzi foo. Kana kuna ni yomuñwi ya tabela kuyema ni kubulela kuli, “Ni tabela ku kolobezwa ka Moya o Kenile”? Mulimu aku fuyole, muzwale. Mulimu aku fuyole. Zeo ki zende. Yema fela cwale. U yeme fela ona cwalo. Kikuli kuna i usili hape ya tabela kuamuhela Moya o Kenile ni ku kolobezwa, ya tabela ku hupulwa mwa litapelo za luna cwale, kuli akolobezwe ka Moya o Kenile? Kana kuna ni yomuñwi naa, Ni si ka bulela ze Ni bata kubulela, ya tabela kuyema ni ku ekezwa kwateni?

Oh, ubata ku baliwa mwahala ba mutapi wa
Hae? (Mu ka eza cwalo?)

U be yasina litiba mwahali, u no tokomela ni
kulibelela kubona pata yani;
Wa taha hape.

³⁰⁴ Wa taha hape. Kana ubata sila sa Hae kamba u tabela kuba mwana Hae? Mulimu ya buhali mwa kakusasana wani, hakuna sika kwanda Mali a Jesu kona Aka yo talimela. Haana ku yo . . . Kuba siemba kwa hao kwa keleke hakuna kuyoba sika ku Yena. Hakuna sika kwanda Mali!

Oh, ki sibuba kwa bunde sani
Se si ni kenisia twaa sina litwa; (. . . ? . . .)
Hakuna siliba sisili se Ni ziba,
Hakuna sika kwanda mali a Jesu.

Ki sikamañi se si ka tapisa sibi saka?
Hakuna sika kwanda mali a Jesu;
Ki sikamañi se si ka ni kenisa hape?
Hakuna sika kwanda mali a Jesu.

Oh, ki sibuba kwa bunde sani
 Se si ni kenisa twaa sina litwa;
 Hakuna siliba se Ni ziba,
 Hakuna sika kwanda mali a Jesu.

[Muzwale Branham ukala kuñuñuna
 pina—Mu.]

Hakuna sika kwanda mali a Jesu;
 Kwa kona kuluka kwa ka,
 Hakuna sika kwanda mali a Jesu.

Kana kuna ni sesiñwi?

Oh, bunde bwa . . . (Hakuna sesikona kuyema,
 muzwale, kezeli. Lifasi la tiba, li yongile!)
 . . . sina litwa;
 Hakuna siliba se Ni ziba,
 Hakuna sika kwanda mali a Jesu.

³⁰⁵ Ka bunya, Teddy, haiba uka kona, “Kuna Ni Siliba Sesitezi Mali, azwa mwa misinga ya Emanuele.”

³⁰⁶ Cwale, balikani, mina ba ba yemi—ba balika ku amuhela munati wa Mulena Jesu. Biblele ye swana ye lu bulelela kuli lika ze lika ezahala, i li tisize ka swanelo sina mwa Na li sepiselize. “Cwale, sepiso” abulela Pitrosi ali “i filwe mina ni kwa bana ba mina ni babali kwahule kaufela, mane ni babañata be Mulena Mulimu wa luna uka biza.”

³⁰⁷ Mu yemi kakuli mu bata mbuyoti ya Mulimu ku mina. Mi kakuba mutanga a Hae, Na mi lapelela, Ni ka lapela kuli Mulimu amife kolobezo ya Moya o Kenile. Mi ha Ni zibi haiba mwakona kueza se mwa lipiu za mina, haiba mwa sepahala, haiba muka eza sepiso ye ku Mulimu: “Mulimu, Na, kuzwa ka nako ye, ni yemi ka mahutu cwana, ni bata kolobezo ya Moya o Kenile, Ni kana ni lapela kamita kufitela U ni taza ka Moya o Kenile.” Kikuli mu ka sepisa cwalo ku Mulimu ka kunanula mazoho a mina? “Ni kana ni lapela, ka tundamo, kufitela U ni taza ka munati ni bunde bwa Moya.”

Ni fa tapelo yaka ku mina cwale halunze lu inamisa litho za luna:

³⁰⁸ Ndata luna Yakwa Lihalimu, ba ki lifa za Hao fa Pila hao. Ba ziba kuli Manzwi aa ki a niti kakuli ki a Hao. Ba ziba kuli a filwe ka Moya o Kenile, kakuli ki Linzwi la Mulimu. Mi ba kozwi kuli ba tokwa Wena, kuli ba tokwa munati wa Moya o Kenile mwa bupilo bwa bona kuli ubafe mata a ku koma ka ona. “Mi ba ka amuhela mata azwa kwa Lihalimu,” kuamuhela mata akupila bupilo bwa Bukreste, ku amuhela mata a kukoma miliko. Sina pina ye ne lu opela, “Ne ba kopani mwa muzuzu wa fahalimu mi ne ba lapela ka Libizo la Hae, ba kolobezwa ka Moya o Kenile mi mata a sebelezo a taha.” Zeo kona zene ba bata, mata a sebelezo aba tahela.

309 Na Ku ulapela, Ndate, kuba mutanga Hao, sina ha U ba bona ba nanuzi mazoho a bona, ba ezize buitamo ku Wena ni sepiso kuli habana kuitulela, habana kulibeya kwatuko, kono ba ka lapela kufitela Uba taza, Mulena, kuisa kwa ku kuliswa kwa siemba sa Pata ya Hao ye Kenile mwa bupilo bwa bona. Ni fa tapelo yaka bakeñisa bona, Mulena, kuba mutanga Hao, kuli ba tazwe ka Moya o Kenile. Mulena, Ni lapela kuli basike ba siya keleke ye kufitela seo si ezahala, kuli ba yo ba mo moyo ni moyo u tazwe ka Moya o Kenile. Lumeleza cwalo, Mulena.

310 Wena ki wena Mulimu, Yamata kaufela, No bonahalile mwa nama kuli uzwise libi za lifasi. Wa zuha ka lizazi la bulalu, wa kambamela kwa Lihalimu. Mi Uteni mo busihu cwana, mwahala luna, mi ka libizo la Moya o Kenile. Mi lwa lapela, Ndate, kuli Wena, Mulena luna yomunde, utaze ufi ni ufi kaufela ka Bu Wena bwa Hao. Mi hababe ka—ka mbuyoti ya Mubuso wa Hao ni mwa lifasi le li taha. Mi zazi leliñwi ha U ka fita kwa mafelelezo a nzila, seo sakona kuba neba kacenu hape, ha lu zibi ha likona kuba. Kono Na ni kone, Mulena; ni baliwe mwahala bona baba ka ya mwa Kuungelwa. Ba ha babe bona babaya mwa Kuungelwa. Mi mutu kaufela, yali Fapila pata ya Bumulimu ni kaufela yatezi ka Moya, ya li wa Mulimu, aye mwa Kuungelwa.

311 Amuhela ba busihu boo, Ndate. Ki ba Hao cwale, Na ba beya ku Wena. Ka Libizo la Jesu Kreste. Amen.

312 Cwale Ni bata mina babañwi kaufela babayemi bukaufi ni sicaba se, babana ni Moya o Kenile, muyeme, mu ba beye mazoho.

. . . sibusa se sitezi mali,
Azwa mwa misinga ya Emanuele,
Mi baezalibi ba ba nwela mwa muunda wateni,
Ba tapa milatu yabona kaufela.
Ba tapa milatu yabona kaufela,
Ba tapa milatu yabona kaufela;
Mi baezalibi baba nwela mwa muunda wateni,
Ba tapa milatu yabona kaufela.

Lisholi lene lishwa la tabela kubona
Sibusa sani ka lizazi la hae;
Mi teñi ni Na, nihanili ya maswe,
Ni tapiswe libi zaka kaufela.
Ni tapiswe libi zaka kaufela,
Ni tapiswe libi zaka kaufela;
Mi baezalibi ba ba nwela mwa muunda wateni,
Ba tapa milatu ya bona kaufela.

313 Cwale amu nanule mazoho a mina ku Mulimu ni ku Mufa fela tumbo. Muli, “Ni Itumezi, Mulena. Na nanuha, Ni Kufa tumbo. Ni ka itumela ku Wena ka limbuyoti za Hao, ka bunde bwa Hao, ni ka ku nifa kolobezo ya Moya o Kenile.” Ni Itumezi, Mulena!

Ni Itumezi, Mulena! Ni itumezi, Mulimu yomunde, ka kulufa . . .
U buluka sepiso ya Hao, U bulezi cwalo. Lwa Ku lumela.

³¹⁴ Ha mu si ka taba nji? Muli, “Ku lumbwe Mulena!” Teddy,
halu bone . . . hañwi fela, “Lu fumana batu babañata baba sa
utwisisi . . .” *Le Ki Lihalimu Ku Na.*

Lu fumana batu babañata baba sa utwisisi
Libaka ha lu tabile hahulu ni kulukuluha
cwana;

Lu silezi mwabuse bwa Jordani kuya kwa naha
ya Kanana,

Mi le ki Lihalimu ku na.

Oh, le ki Lihalimu ku na,

Oh, le ki Lihalimu ku na;

Oh, lu silezi mwabuse bwa Jordani kuya kwa
naha ya Kanana,

Mi le ki Lihalimu ku na.

Oh, ha Ni tabile, Na opela mi Na huwa,

Diabulosi ha lumeli Cwalo, Na bona;

Kono Ni tezi Moya, hakuna ku kakanya,

Mi ona boo kona butata bwaka.

Oh, boo kona bu . . . Lihalimu ku na,
(Kulumbwe Mulimu!)

Oh, le ki Lihalimu ku na;

Ni silezi mwabuse bwa Jordani kuya mwa naha
ya Kanana,

Mi le ki Lihalimu ku na.

³¹⁵ Kana ha li mi fi tabo? Kihande. Mu swalane mwa mazoho ni
yomuñwi, muli, “Kulumbwe Mulena!” *Le ki Lihalimu, Mulena.*

Unge libizo la Jesu ko uya,
Mwana wa manyando ni bumai;

Li ka kufa tabo ni nyakalalo,

U linge kaufela ko uya.

Libizo lelinde, Oh kwa munati!

Sepo ya lifasi ni tabo ya Lihalimu;

Libizo lelinde, Oh kwa munati!

Sepo ya lifasi ni tabo ya Lihalimu.

Ka libizo la Jesu lwa kubama,

Luwa ka mañwele kwa mahutu a Hae,

Mulena wa malena mwa Lihalimu lu ta Mu
apesa mushukwe,

Foo musipili wa luna ufela.

Libizo lelinde, Oh kwa munati!

Sepo ya lifasi ni tabo ya Lihalimu;

Libizo lelinde, Oh kwa munati! (Kwa munati!)

Sepo ya lifasi ni tabo ya Lihalimu.

Cwale, ka kukuza, ka litho za luna zeinami:

. . . libizo la Jesu kamita,
Kuba tebe kwa lila kaufela;
Mi miliko ha i ku kwahela,
Bulela fela Libizo le likenile lani mwa tapelo.
Libizo lelinde, Oh kwa munati!



LUSIKA LWA KELEKE YA LAODESIA LOZ60-1211E

(The Laodicean Church Age)

MUKOLOKO WAZA SINULO YA JESU KRESTE

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda manzibwana, Nulule 11, 1960, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizwe ni ku hasanyiwa kiba Voice Of God Recordings.

LOZI

©2020 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org